


半江集

卷五之八



半江趙先生文集卷之五

七言律詩

送駱蘊良知安陸州

棘寺清風憶舊遊，浮萍踪跡我何尤。
論文席上無三益，仗劍天涯有四愁。
人慕荊州求識面，誰逢東野不低頭。
憂懷未寫征車發，草綠長途江水流。

次韻送談郎中綱之南京

複道薰風吹紫荊，身隨恩澤下承明。
故人



別後催行李候吏迎時問水程
花譜共看開畫錦葉舟真擬泛寰瀛
歸來一奏南陔曲日射高門駟馬橫

提刑日次劉職方時雍韻

優游郎署廿餘年供奉詞林舊謫仙
自許璫璣資世用肯隨桃李作春妍
有懷政坐青蠅集無事翻成白晝眠
得就清談慚獄吏簿書粗記唱酬篇

送張大理弟歸鄉

棘寺看雲白晝眠喜聞靈鷲噪簷前
夜窓風雨逢坡老春草池塘得惠連
良會未酣燕市酒離愁先動渭城篇
倚閭此日遙相望莫惜天涯鴈影偏

蔣元用輓詞

樂亭遺愛比桐鄉見說居民守奉常
不用招魂歌下里還憑立傳托甘棠
風寒驛路悲輿輓月落官衙照屋梁
寡婦孤兒身後事天涯形影倍蒼黃

次韻王存敬秋夜獨坐見寄

聯曹何幸托名流相共論心莫掉頭每見瓊
瑤知有價自荒穉稗恐無秋樊籠正坐浮名
誤朱墨仍兼俗務稠一種好懷憑記取與君
同泪賦登樓

送林恆肅寅長歸祭

九重優詔賜南歸正及秋風朔鴈飛昨夢
粉榆今歷歷少游城郭故依依青天闕下垂
甘露白日闔中照錦衣展墓禮成隨北上豈

容高臥托山扉

送湯乘之歸句容

用之弟也

風雨中宵對子由不堪清興遶離憂江山獨
送天南鴈砧杵相望蘆北秋棠棣有詩聊慰
藉池塘無夢可夷猶須君早試青雲步得共
難兄汗漫遊

次韻送邵文敬之思南二首

拄笏遙看石柱山驅車時出太平關人間歲
月須行樂身外功名亦等閑荒遠不煩王霸

治 聖明應召賈生還詩篇棋局尋常事携
向邊氓一解顏
朔漠秋深野不毛使君行色縕爲袍東曹吏
事馳驅倦南國才名屬望勞墨妙臨池真逼
晉詩成立馬欲奴騷茲遊雖遠非無助他日
心胸壯海濤

次韻送邊都憲巡撫山西便道歸省

清朝梁棟屬雄才節鉞晨辭郭隗臺獬狃朔
方應遠遁班超西域定重開枌榆入望星輶

駐歌舞沿途駟馬來惟有尊翁心事慊當時
手植晉公槐

送王存敬重上山陵

却憶中元共此行君今獨往不勝情一年時
序更寒暑兩度雲山費送迎路入 西陵車
轍改日當南至物華生舊題詩句勞相和馬
上須裁百韻成

次韻陳一夔有懷西潭草堂

名利由來如一夢江山真不換三公偶看南

國孤雲白却厭東華香土紅疇昔草堂誰作
主人間華髮豈還童移文不獨山靈怒逋客
天涯也熱中

東臯勝井

祇園鑿地漏天光分得曹溪一脈香好禁怒
蛙喧玉甃莫驚渴鳥下銀牀三更月照禪心
淨六月風生佛骨涼中有濟人無盡意青絲
百尺未爲長

院落晨輝

古殿懸燈怯曉光法鐘聲裏散爐香大千世
上慈悲日不二門中自在牀貝葉斜穿金瑣
碎蓮花初映玉蒼涼蒲團坐久齋魚起始信
無如化國長

玉延亭宴集限韻

夕陰初下短牆東亭上疎槐動遠風乘暇追
歡聊謝事憑高發興欲凌空園如司馬名猶
在人比香山數更同最愛流觴隨曲水引泉
還藉輓轡功

又次陳玉汝韻

風滿高亭拂袖登試嘗靈藥擬飛升絕勝鍾
乳三千兩何必瑤臺十二層石竹雨餘涼葉
亂池橋虹偃夜波澄醉來賓客清歡久燒盡
金蓮席上燈

送姚茂明儀曹之南京

建業江山餘壯麗儀曹風月擅清華寒穿謝
屐千巖雪春引潘輿幾處花封印未開非曠
職報衙初罷卽還家錦衣白晝無窮樂莫把

前驅負弩誇

夜飲限韻

花下高歌引興長竹牀紈扇晚生涼流酥濕
透冰壺影沈水清分石鼎香隣笛悠揚初度
曲舞衣零亂復持觴醉歸不用金蓮送明月
青天皎夜光

送馬醫官

都憲之子

翩然風采映珊瑚身領新恩出帝都注
水曾聞駒有種栢臺今見鳳生雛碧山吏隱

尋松子丹井仙方浸木奴歸到里門應下馬
錦衣春色滿粉榆

玉延亭次韻

小構中園準地形頻年經畫此時成右軍記
後蘭應謝東郭移來草未生遶砌栽培供服
餌侵晨灌溉汲空明主人自有延齡術何必
仙家紫石英

夏至前一日江西部燕坐限韻

誰遣官書茅野夫坐來高興未全無清風林

屋垂疎柳新水盆池長綠菰自覺身閑非俗
吏却嫌詩瘦似窮儒山花山鳥相勾引應向
吾儕作友于

臥病一首呈一夔司長

臥病齋居得暫休反關長日小門幽頓令城
市如山裏無復文書積案頭賜告敢煩嚴步
請問安那許萬年畱起來便赴官曹去王事
驅人豈自由

省中夜直不寐

孤枕寒窓夢不成中宵鼙鼓入西清七哀欲
賦緣何事五恨無端動我情野鼠牀頭人步
驟庭柯風外玉鏘鳴幽懷一種非塵想忽聽
荒雞憶祖生

次韻送吳孟章大尹二首

自古青蠅感恨多坐中長鉞動酣歌江淹別
思悲春草明遠幽懷托野鵝易水北來秋慘
澹岷山西去碧嵯峨不辭更勸清尊酒矯矯
孤鴻奈爾何

短長亭上夕陽多白苧涼生水調歌塞叟不
須愁失馬野人真是愛烹鵝晨辭魏闕龍樓
迥秋到蠶叢鳥道岷最愛官閑無一事琴堂
佳句學陰何

油餠

火劑流黃照眼明宛然金鼎煉丹成厨人製
自香杭粉坐客食同秋菊英外潤脂膏真醞
藉中含酥酪倍風情上元時物佳如許應羨
人間餅餌名

出郭

終朝城市困紅塵一雨郊原發興新便有青
山迎馬首已無行潦阻車輪勝遊況復清商
節薄宦那堪野逸身莫恠臨風盤礴久掃余
煩燠在今晨

過蘆溝橋

千嶂如城一壑流帝鄉形勝古蘆溝車塵
滾滾行人少天宇遼遼過鳥愁砂磧迸開銀
漢落石梁橫截巨鼇浮星輅玉節經行地却

憶當年躡屩遊

郊行雜詠四首

曠野平原似海寬四周山色遠圍盤行邊已
覺長驅倦飛鳥猶疑徑度難何處道途非險
隘此中天地自高安一身俯仰蟬蛸爾欲御
長風萬里搏

野色無邊眼界寬清江急水旋渦盤日當晴
麗登臨快道遇坡陀上下難已覺征夫雙足
困却憐棲鳥一枝安遊絲裊裊東風裏成陣

飛蟲手自搏

碧山如列四圍寬曲磴長松互屈盤高興肯
將清景負塵勞須識勝遊難微吟耳聽鶯聲
緩穩坐心便馬背安回首終南應只尺青天
一鳥自扶搏

翠屏山口豁然寬下馬臨流坐石盤始信尋
春真是樂也知行路未爲難同來何幸陪秦
觀高臥無因學謝安忽見樹巔鳴野雉便持
丸彈欲生搏

夜至昌平東秦廷贊

馬上賡酬典未涯豈知岐路有三義與君分
袂誰相引悔我寒盟欲自撾百里山城陵寢
地一杯春茗野人家坐中幸有延平老暢飲
清歌剪燭花

登山

羊腸遠盡復招搖緩轡還嫌路不遙沙磧隨
風生水浪松篁成韻合蕭韶青山半吐黃金
殿碧澗中橫白玉橋不是書生愛行樂無邊

光景是春朝

陪祀用前韻

松檜中分甬道寬
仙壇甘露滴銅盤
仰瞻紫氣氤氳盛
伏付丹心對越難
神馭高居天極遠
寢宮中奠太山
安蕭然忽聽靈飈度
鈴索層簷自擊搏

下山次韻答部中諸寅長兼謝送行之

作

按轡松林緩緩行
遠天清夜感幽情
塵隨馬

後相追送月在前
山自出迎疲倦不知風物
好昏黃却訝路途生
美人遙隔西臺地應對
青燈夢未成

哭王古直次韻

落魄風塵憶往年
白頭何處挾飛仙
誰能久客無家累
應是前生有道緣
氣壓王侯非任俠
詩關風雅定流傳
他時宿草還堪訪
郭隗臺東半畝田

陳氏東眺軒燕集次韻

跨馬西臺下夕陽太丘門第探秋光暫辭公
務從吟社休放閒愁入醉鄉倚席試邀明月
飲巡簷還采落英嘗相看最愛東籬豔歲晚
冰霜獨敢當

再次前韻

酒狂何必羨高陽自喜吳音共燭光花信驚
逢霜露節鴈聲疑在水雲鄉已酬茱菊三秋
賞只欠尊鱸一味嘗西社近來誰作主煩公
一力與承當

省中夜坐

松影玲瓏漏月光夜寒無奈客愁長差池宦
迹魚千里爛熳歸期鴈幾行棄去還應憐敝
屣破除聊復盡餘觴醉來欲借天風力飛上
高城望故鄉

輓陳滙之母

碧天環珮去冥冥誰向閨門覓典刑舊對梁
鴻親舉案晚將幸逞自傳經恩榮早錫恭
人號甘旨難延阿母齡惟悴乳鳥啼血處夜

深風雨不堪聽

輓張巡撫

筮仕東曹推政績歷官南越著賢名松潘授
鉞蠻方靜淮鎮分符國賦成端右未聞天
語召路傍俄聽薤歌聲冥冥遼海三千里孤
鶴飛時月正明

送吳原輝

東莊兩屐慣登臨不信人間有上林何事遠
辭麋鹿侶此行真見鵲鴿心天涯又作中年

別方外誰將舊約尋坐對逍遙堂下樹清宵
風雨亦沾襟

送林待用次韻

欲從玄袞補遺餘冒死親陳闕下書陰蠹不
堪狐兔滿聖朝終見網羅除黃州眼望賜
環日槐里心驚請劍初此去加飡須努力莫
將功業付迂疎

次韻送吳禹疇二首

都亭酒盡未分襟萬戶西風急暮砧搖落關

山驚旅況崢嶸時序促歸心醉揮長劍星辰
動吟坐高齋刻漏深久客京華貧到骨贈君
難辦錯刀金
故鄉同是采芹人南北睽違幾度春長恨音
書天際遠忽驚顏色眼中新短歌聊復成三
疊離思還堪借一頻我欲
官歸舊國結鄰
鍾阜更相親

煙菊

分題

青燈無焰夜朦朧細認花枝小院東寒色微

含紅玉暈幽姿深隱碧紗籠美人身在塵埃
外道士神遊縹緲中應是詩翁吟坐久醉來
光景眩雙瞳

送張兼素謫官之師宗

士林清議重叅軍勁草秋風故不群委命豈
知刀鑕在謫君仍荷竹符分離憂獨遠關河
樹忠憤應開嶺嶠雲莫道潮陽消息遠有人
傳誦鱷魚文

送人之閩教

一官無事稱閒居，錯槩相從興有餘。閉戶不
鋤精舍草，采芹還飼泮池魚。心齋滋味盃中
水，吏隱光陰几上書。閩水閩山多勝景，登遊
時復命巾車。

人日雨雪限韻

人間金勝剪春黃，天上瑤花試曉粧。灰管未
吹新歲律，江梅應發故園香。閨無小棹堪乘
興，盤有殘椒更舉觴。欲寄草堂詩不就，忍寒
枯坐面危牆。

郊祀宿大興隆寺次黃世賞韻

坐來風月夜無邊，應似西林結社年。煙裊園
丘燐玉地，雪飛方丈散花天。茗園深供心齋
裏，爐炷長參鼻觀前。惟有半山風韻逸，詩成
多比彈丸圓。

次送孫駕部志同

當時長願執鞭從，今日天涯得再逢。雞黍誰
云元伯遠，簡書應笑漫郎慵。馬鳴斜日思千
里，鴈落清江點數峯。居近鍾山堪吏隱，莫交

軒冕抗塵容

送浮梁戴先生貴州教授代作

京華舊雨夜婆娑華髮清尊奈爾何
鬢舍半生朱墨倦瘴江千里水雲多
鱸魚未兆愁楊子璞壁深藏惜卞和
離袂相看無限意東風一曲渭城歌

送高璘知太和縣

鹿鳴聲散各行騶幾度秋風憶舊遊
萍水心情聊自喜雲泥踪跡苦難留
洛中目送雙鳧

別江右身分百里憂
鴈繡班行虛左待種花
休愛縣門幽

送吳江令孫微之

東吳小邑煩君往要識
宵衣共理心政拙
催科非下考吏稱清白
是佳音城闌日靜江
湖永縣治春閑桃李深
莫遣檄書徵太蚤
野人長願聽鳴琴

送婺源令

雙鳧春色滿晴空
南望重山復嶺中
栽柳門

前環綠水鳴琴堂上挹清風郎官上與星辰
應黎庶相親父母同要遣鬪爭還揖讓鷄行
虛左待乘驄

昌平城晚眺

小邑蕭然數百家峯巒千疊抱村斜北連踞
虎園陵近南望飛龍象魏賒落日沙塲收汗
馬清風榆塞起哀笳馮高却立城坳久數盡
前山樹樹鴉

遊仙人洞限韻

尋得仙人小洞幽便將巢隱向林丘當春風
日明如洗滿地煙花爛不收寒食傷心聞野
哭鼎湖回首憶宸遊草青沙白溪雲淨塵土
何由到馬頭

輓邊都憲父

曾聞奉使出南交義拆諸番重 聖朝壯節
冰霜凌檜栢清名廊廟立瓊瑤 封章晚受
中丞命郎署先從隱士招眼見兒孫摠麟鳳
不妨遺世入逍遙

送王訓科還天台

數月征車別里人歸來非復布衣身懸知妙
手能醫國最愛閒官不治民清刻溪流蘭棹
晚赤城霞起杏林春自嫌冠帶相拘束別墅
長時白氎巾

三月八日省中偶成

省中事少稱閑情白日高眠飽飯行起得幽
亭尋竹種汲來新水乞茶烹墻隈風靜花仍
落樹下人來鳥不鳴忽憶四郊前夜雨欲從

田畯問春畊

送馬天祿僉憲雲南

新春一疏上金鑿傳寫人間墨未乾總愛超
遷待節重誰知忠讜立朝難十年風裁收青
瑣千里霜威竦鐵冠司臬提刑非細事瘴煙
蠻雨願加餐

送太學張信夫

秋臺高坐午風清戶外芄然曳履聲遠客天
涯逢地主舊遊吳下識門生韋編親授書程

去壁水行看宦學成壯歲藏修須努力曲江
仙籍待題名

題金臺話舊圖爲劉廷珍郎中作

東州麗澤聚賢英縮角從遊似弟兄人物未
論唐四傑文章真見魯諸生盛時功業青雲
路寒夜京華舊雨情休訝坐中韋帶客奇材
多屬晚年成

壽譚翁九十

烏紗白髮照江村垂老風光感 國恩屈指

流年登上壽幾人親眼見曾孫野情長占田
園樂物論兼稱齒德尊庭下芝蘭森滿地鄉
閭須早建高門

次賀朱都憲歸自廣南

嶺南銅柱見高標歸立青冥地望遙斑白年
方登四輔牙緋身已歷 三朝共看臺府威
稜聳猶憶戎行髀肉銷經濟規模應素定只
今羹醴一時調

次匏菴遣悶韻奉慰

頗覺年來非壯顏
眼中人事更間關
摩挲青鏡半華髮
悵望故園多白菅
掌上珠新聊自遣
天涯鴈去幾時還
浮生欣戚應難料
莫廢著書湘管斑

送楊應寧

早自清湘入紫宸
摘星高詠已驚人
鸞坡鳳掖知名久
雪碗冰甌洗筆新
萬里松楸滇海外
一區水竹大江濱
乞歸喜得重瞳許
何惜離筵進酒頻

次周原已上巳登雨花臺韻

春日獨登江上臺
茫茫塵世使人哀
山川不改長流峙
今古無端自往來
上巳勝遊思曲水
南朝遺跡付寒灰
此情寥落誰相遣
憑仗風前綠酒杯

過陳給事半舫次一夔韻

小圃秋光似水涼
野花藜草弄餘芳
便應開徑邀皮仲
不擬衝塵走洛陽
暇日琴尊渾漫興
貧君藜藿可克腸
從游我欲頻來此
城郭

東西道路長

送陳時習歸松江

名駒故產渥洼中標格居然似阿翁心地要
須收汗馬詞場正自厭雕蟲回看時輩風斯
下高步雲霄路已通三泖九峯書屋靜閉門
鉛槧有餘功

西巖歸老送葛彥章

白頭清禁校方書忽憶西巖舊隱居三徑歸
來風景暮一官羈絆物情疎肯因脩藥尋勾

漏已得抽身賦遂初千里風霜更衰老此行
端合賜安車

送戚時望提刑湖南

暮雲三載望江東別後相逢更轉蓬祖德芬
芳鄉校水君恩披拂使輶風遠持邦憲湘
川外猶憶朋簪棘寺中最愛殘春行色好落
花晴綴豸衣紅

送吳汝器

舊遊曾記十年前此日風流各泫然覓句休

嗟明主棄著鞭合讓作兄先天涯雙鯉須
珍重雲際孤帆漸渺綿欲慰離愁惟綠醕一
盃耗躁強相傳

次韻答存敬見憶之作時存敬將奉使

山東

每覺清談左席虛憶君長在惜春餘楊花榆
莢皆離思香爇燈光共索居風月正憐吟社
冷園林應恠賞心疎河橋更有明朝事欲倩
東風挽佩琚

得告後遊陳氏西溪竹屋次王世業韻

二首

滿地清風洒面來藤梢橘刺隱層臺行邊袖
拂餘花落醉裏觴隨曲水回遠渚荷香飛白
鳥深林日影照青苔竹溪不獨前賢事今日
詞林揔逸才
曾聞佳景未全真今日親看梓澤春萬竹清
風三伏爽十年眇眼一時新方辭省署無官
事爲倒壺觴有主人此際襟期如水淨不知

城市正揚塵

六月廿三日東歸舟中

船窓面面受風涼
箕踞科頭坐晝長
眠草隨波應自適
鳴蟬聒樹爲誰忙
耕雲野叟憐青隴
觸日行人望綠楊
頗覺心清無俗事
爐中一瓣水沈香

晚過柳林

官河千樹鬱葱葱
坐對偏宜落照中
隱隱層叢迷積翠
離離高葉逗晴紅
蟬鳴鳥語聲相

雜水色煙光望不窮
林下行人應少慰
條然兩腋快乘風

夜宿許子厚佑竹軒

滿湖煙雨夜堂虛
高會厭厭過訪初
四座賞心揮麈下
十年離思剪燈餘
風生竹樹孤螢墜
雲破亭臺片月舒
醉後北窓眠不得
新涼應怯病相如

夜坐

忽聽林木風蕭瑟
疑是前村急雨來
起視星

河方皎甚坐拋巾憤信悠哉水邊螢火寒還
滅草際蟲聲急更哀正奈晝長憐短夜可堪
譙漏復相催

癸丑元日

雲物暄和風日妍已如二月賞花天試看樂
事開新歲堪賀祥光兆有年梅柳江湖生意
滿兒童村落笑聲傳人間擾擾酴酥會萬戶
千門共藹然

正月四日過管先生新居

官舍新開八九間前臨文廟後文山從知儒
術青氈白漸覺年華綠髮斑六藝篇章酬鼎
谷兩齋條約訂愚頑春來講幄應多暇容我
看松日往還

又呈掌教屠先生

春風先到廣文居脉脉晴光動綺疏啼鳥一
聲人醉後早梅千樹雪消初官中興味雲煙
薄塵外襟期水月虛不盡尊前畱客意頌椒
餘酌薦寒菹

送王成憲掌教秀水

銅駝陌上三年別
笠澤湖南一夜遊
萊絲平
娛花下舞韋珠行
見掌中收新分薄祿
憐三
釜曾曳長裾傲五侯
風日暄妍江草碧
可堪
離思滿蘭舟

謁墓吳山歸舟阻風因過西資竹院偶

成

清明後二日

強拋塵事作山行
刺眼春光錦織成
無奈歸
心妨野興却因風
色滯舟程松林得伴還呼

酒竹院逢僧不問名
遊遍雲霞泉石地坐來
明月又東生

觀泮池牡丹次屠先生韻

夢回姑射渾身白
醉後西施半臉丹
燭下忽
驚開口笑尊前
偏愛倚闌看玉樓
春永鉛華
暖芹泮天高雨露寒
獨立一枝何所似
霓裳
曲罷舞衣單

四月四日過華嚴寺時佛殿悉毀於火
惟浮屠獨存偶成

叢林爲別動經年偶一登臨更惘然臺殿草
荒朝雨後江湖春盡夕陽前能詩天隱還持
律看竹王猷不問禪獨有浮屠如魯殿寶幢
依舊切雲煙

和吳汝礪垂虹舟中風雨之作

浮生何處好閒行小渚蘆花一鴈鳴添我餘
杯明月上攪人幽夢晚風生煙霞雙眼青兼
白天地五湖縱復橫頻喚小團消酒渴滄浪
真得聖之清

題扇贈金明府

鵝溪一幅剪裁工玉雪娟娟在眼中爲我閭
閻消溽暑自君懷袖發清風掄材定覺蒲葵
陋入侍還看雉尾同恠底循良多善治長持
明月照群蒙

譚元政西林隱居

紙帳方牀對石屏碧梧修竹傍高亭窓中爽
氣來天目砌下寒流接洞庭桑苧老翁茶竈
古滄浪漁父釣竿青從君試問遺安術度閣

牙籤貯六經

吳山寺

欲從方外遣塵緣
擬挂朝冠及盛年
老衲棲遲真得地
俗車來往亦妨禪
青松夾道林扉豁
白石崩崖草閣懸
好在北窓明月夜
野猿山鳥伴高眠

王成憲得子有詩見寄次韻賀之

遙憐英物儼熊羆
此日克間慶可知
維嶽降為清世瑞
長庚出應早秋時
卽看居易知書

蚤未慳商瞿得子遲
坐上青氈今有託
三槐終不負心期

送吳禹疇憲副巡視海道之廣南

北風吹雨別江干
想見羊城荔子丹
節帶冰霜行五嶺
帆開溟渤望三韓
蕃中貢職球琳重
帳下軍容劍戟寒
試酌貪泉應更爽
平生玉雪是心肝

夜讀張時措詩稿

讀盡君詩夜就淹
悠然牙頰有餘甜
九霞香

醞初澄粕千里尊羹未下鹽歌枕寒黛凝睽
睽推篷殘月印纖纖聯舟正好相酬和一路
風光信手拈

濮頭道中初見桃花寄毛貞甫張時

措

三月天涯始見花得春雖晚未全賒溪邊漁
父迷塵世路上行人問酒家好趁芳菲酬物
候莫愁零落委泥沙良朋不至誰同賞空繫
征帆坐日斜

過高良山

百盤千屈勢縈紆險絕仍逢積雨餘仄足巖
崖行截業滿身雲霧入空虛下輿自引條枚
步結屋誰同木石居鳥道羊腸寧過此深林
虎穴更愁予

送朱鄞縣存仁

袞袞飛鳧入廟堂清朝司牧重循良君才
豈啻鳴琴手人望終歸選佛場花縣仁風拔
百里瓊林春色付諸郎板輿更得慈顏喜飽

看丹山碧水光

過楊信之花園用匏菴壁間舊韻

斜日來看雨後花主人高臥問誰邪盆池珠
墮青荷小石洞絲垂碧柳斜迎客小童催解
帶登堂啼鳥喚煎茶持觴更遣雙雛出珠玉
如山未足誇

送姚應隆便道歸省其尊君坡隣先生

東坡亭下日徜徉喜見雲端小鳳翔象簡冰
霜開嶺嶠葛巾風土臥滄浪黃鐘律應懸弧

節白玉杯浮戲綵堂他日受封應未老豸冠
烏帽更輝光

送李茂卿歸湖南

囊中苦乏買山資何事超然去不疑浮世功
名兼寵辱野人腸胃耐寒饑簿書脫手紅塵
息湖海藏身白日遲覓得魚竿堪送老市朝
那更有還期

春莫遊西郊過釣魚臺遂至趙氏莊居

畱飲

紫陌連鑣不動塵天將一雨助遊人西溪看
竹門空掩北苑尋花酒更新案牘偷閒聊一
日園林成趣已三春吾儕會合應非偶莫遣
樊籠繫此身

挽張博士母

昨見崔邠守太常母輿親導出周行白頭共
羨光陰好紫詔仍頒雨露香一賦閒居真
不忝三遷故事有遺芳萱花正是忘憂地愁
絕青天五夜霜

過朱嶺

塊北盤迴深復深一重一掩費攀尋往時山
水空經眼此地煙霞獨會心恐是蓬壺身誤
入儼如圖畫筆難臨憑軒周覽褰帷久衣袂
從教細雨侵

戲贈沈于海

都下遨遊歲月移客情無奈黑貂知倚門迢
遞占烏鵲舉案淒涼詠屢屢天上風雲應有
路江邊魚鳥候多時束裝歸趁清秋好綠酒

新篔菊滿枝

送張元穆東歸

壯遊燕市飽塵緣。屈指星霜二十年。歌管六街明月夜。兼葭千里暮秋天。淵材囊富廷珪墨。笠澤江清范蠡船。具慶人生歸去好。斑衣日日錦堂前。

送呂廷敏歸南雍

二十年來舊雨情。頭顱如昨壯心驚。珠藏被褐應難識。技到屠龍合晚成。曾次五車非浪

許。殿前三策是平生。無端別意都門路。滿目風雲一劍橫。

次張時行給事韻

倒屣猶嫌出候遲。洒然風骨照江湄。青霄丹鳳翰初奮。駑馬長途力已疲。興落煙霞渾曠遠。吐成珠玉自清奇。向來塵土盈曾臆。聊對冰壺一解頤。

霧中渡浙江

一白乾坤上下同。恍然身在半空中。天將開

處冥冥雨潮正平時
淡淡風擊檝放歌驚海
若挂帆飛渡逐雲鴻
乘流不向錢塘泊直到
蓬萊弱水東

桐江

乍啓蓬窓豁睡眸
桐江煙景正悠悠
青山隔岸千螺疊
白鷺衝波片玉流
日弄行雲棲樹杪
風將疎雨過船頭
越中無限清華境
欲恣幽探不可留

七里壠

帆飽東風畫鷁飛
江山縈帶碧成圍
魚龍水底行清淺
樓閣雲端鎖翠微
野客慣緣懸磴險
樵歌時度遠林稀
釣臺千古高如許
應爲停橈上夕暉

釣臺

宿雨初收濕未乾
插天危磴倚層巒
老夫自覺先登健
從者皆言欲上難
高節萬尋霄漢渺
剛風雙鬢骨毛寒
超然俯視人間世
何物浮名入肺肝

除夕龍游舟中初度

天涯今夕是何年短髮孤燈共悄然爆竹數
聲聞野外酴酥一盞到愁邊旅逢初度誰相
慰老愧無聞每自憐遙憶高堂分口數團圓
應話越江船

賓陽谷壽王樂善先生

層壘峯巒積翠微忽驚三島在階墀羲和已
作嵎夷宅鄒子初成嶰谷吹杯面紅霞兼曉
色鏡中華髮弄春姿欲知此老方來算正是

陽鳥出海時

送韓國器中書歸省

春風簪筆侍昭陽却望雲飛舊草堂戲絲庭
闈真燕喜賜環閭里亦輝光擬傾葵藿酬
明主肯爲尊鱸戀故鄉入夏歸途行色好綠
波芳樹遶河梁

半江趙先生文集卷之五

半江趙先生文集卷之六

七言律詩

會長六月三日李惟正郎中邀飲興隆僧舍

席上詠雨限韻二首

黑雲初沒遠山尖
 欹枕微涼睡正酣
 細草隨波眠短砌
 野禽沾濕下重簷
 千絲裊裊翻機亂
 萬馬闐闐列陣嚴
 況是禪林清切地
 六銖衣怯晚風銛

雲頭噴薄萬戈鋌
 鏖戰群龍未解嚴
 沛若天

瓢翻巨海冷然銀箔挂虛簷掃除煩暑隨煙
滅釀出新涼似蜜甜欲倩玄冥供硯墨霜毫
揮盡有餘尖

邵國賢卽其先世之居容春軒為精舍
祀二程龜山於室匏菴諸公有詩余
亦次韻

曾是東陵舊隱居森森梧竹蔭園廬名家未
泯千年澤高棟新藏萬卷書丹鳳絲綸輝梓
里青春縫掖駐巾車斯文伊洛光儀在興統

高山仰止餘

大方伯濟南畢君

封及三代而尊公

太夫人在堂

奎壁凝輝海鶴翔門闌佳氣未渠央
一緋三世恩波闊穹壤雙親壽域長
翠竹停鸞開粉署紫微咨岳上巖廊問君圖報心何似葵藿
遙傾日月光

題雲壽長洲郭封君

晡靄深山知幾重卷舒無意得從容
高簷暮

宿仙衣冷畫棟朝飛爽氣濃身隱傳巖休作
雨子生洼水快從龍空中變態吾何有聊向
蓬萊伴赤松

謁墓過太湖

湖天一棹拂清秋蒲葦蕭蕭宿雨收山色青
連雲外寺日光紅映水邊樓采菱歌起鳧鷖
亂垂釣磯深浦淑幽西望若堂何處所鬱葱
煙霧遶松楸

竹宗詩

檀藥節操凜冰霜一味齏鹽滿胃腸淇澳萬
竿森月影瀟湘千頃動江光蕭郎墨妙風煙
外與可詩情水石傍寄語上人深愛護本來
面目自蒼蒼

壽竹宗上人

小春時序碧山中紫氣盈盈亘海東天竺煙
霞新物色曹溪衣鉢舊宗風不知肉味真摩
詰賸有詩情似遠公六十四巡花甲子月明
長照梵王宮

贈熊先生

巴峽詞源萬斛流，遙溪寒玉瀉清秋。
觚章夜月臨池靜，撻掖春風擁坐周。
笠澤湖連芹泮水，洞庭雲入寶奎樓。
先生一寸閒田地，耕鑿終身爲道謀。

天方池

十丈清漣廣袤均，野人方寸有天真。
煙霞自與市朝隔，身世常同魚鳥親。
一鑑碧虛涵斗極，四維蒼雪遠雲津。
雖然不作規圓轉，還我

逍遙自在身

雨中望玉峯

昨日登高眺落暉，西亭苔石坐忘歸。
晴天數點青霞障，綠樹千家白板扉。
東渚群山溟渤小，西成萬頃稻粱肥。
朝來拄笏蕭蕭雨，爽氣還兼逸興飛。

訪王戒憲不遇

非厭先生言，肴盤草堂無主玉峯寒。
一壺漫與花同醉，三頃還應鶴共餐。
松菊徑深迴俗

駕芰荷衣好謝塵冠包山采藥歸何日江上空餘鬪鴨闌

次韻匏翁中秋對月之作

玉延亭上昔追遊二畝園居萬頃秋幽趣每從諸老得微言還許後生酬望中山斗今逾遠坐上瓊瑤豈易求湔袂塵泥謝嘉惠鳳箋飛下碧雲頭

答成齋先生疊前韻見寄

想見乘風昨夜遊絕塵肌骨最宜秋獨憐未

預南樓坐猶喜頻將下俚酬花底霓裳虛可聽人間天柱遠難求故園自有超然處夢落五湖煙水頭

送謝方石祭酒

十載滄洲臥月明方巖千仞與雲平草玄棄絕人間事束帛頻繁主上情喬嶽差我公望屬春風披拂士心傾儒賢自古遭逢少吾道光華在此行

送陳民部嘉言

清江潮落露層灘
梅雨千林濕未乾
仙署香分閭闔遠
星槎影動斗牛寒
懷哉更覺朋簪重
勞止方知國計難
莫向西江留滯久
西湖荷芰候歸鞍

送范明遠進賀

萬壽聖節便道歸省

天上嵩呼萬壽餘
函闕紫氣繞山居
庭幃正及桑弧節
鄰里驚看駟馬車
古意不冠同石奮
前驅弩矢隨相如
欲知其慶長生樂
南極雙星湛碧虛

過梅溪

余幼時嘗從先祖至此

細草侵沙水拍堤
舊遊依約記孩提
兩溪縈遶孤村迥
三紀荒涼古道迷
持節重來人漸老
含飴何在鳥空啼
欲尋遺蹟誰堪問
時向松林駐馬蹄

早春郊行

新柳鵝黃草碧滋
梅花開盡有殘枝
野田啼鳥催春事
桑樹鳴雞報午炊
暮暮晴林深鎖霧
錚錚幽壑細流澌
韶華勾引郊原興
一任

東風攪鬢絲

初夏江行

繚繞山村飛午煙家家盆盎到耕邊陰連深
樹鳴禽鬧綠滿平疇野犢眠暑氣纔侵風爲
掃晴光欲動雨還牽江鷗似會幽人意遊戲
時來近畫船

陳用常同年席上作

歌殘舉白更浮君後閣涼生夜欲分簷下瓦
盆翻急雨花前羯鼓過行雲煙霞遠別長相

憶玉屑清談久不聞試問人問此何夕可堪
傾蓋復離群

淳安山中二首

無邊幾竹競蕭森絕壁懸崖動萬尋頗覺遊
觀窮嶮奧可堪登頓逐高深平生自愛煙霞
屐他日難忘水石心每遇清幽仍得句爲信
軒蓋一長吟

百里丹青護玉臺霞城面面似天台山當闕
處雲還補泉欲枯時雨又來返照衝開林霧

結老松撐住石巖頽悠然景與神俱往縱有
詩情不易裁

望金華山寄洪克毅提刑

渺渺連山起暮雲蒼蒼平野暗斜曛初疑碧
浪天邊湧漸覺疎林霧裏分神異古來占婺
女仙遊何處覓羊群清風八詠還堪賞先遣
郵筒報使君

登清風樓用前韻贈洪克毅張廷賓戚

時望

醜酒危闌酬海雲樓中風月幾朝曛黛凝嵐
色螺鬟擁羅剪溪流燕尾分休暇登臨因弔
古合并惆悵復離群山行儻遇初平侶應有
刀圭乞贈君

再用韻題戚時望芙蓉書屋

諸峯層疊鎖晴雲獨秀亭亭倚夕曛石磴斜
緣仙洞遠草堂清與市塵分高風籍甚霜臺
老瘦骨嶮然野鶴群騰貯芸香三萬斛更栽
槐棘待郎君

過永嘉吊黃蘊和直閣

前度城西小蓋傾，草堂風日映秋清。
孤雲沒海知何處，落月滿江空復情。
東閣圖書人共賞，北山猿鶴夜還驚。
懷君欲向青丘問，寒雨蕭蕭宿草生。

蘭溪舟中

江天雨雪晝縱橫，一抹清暉透晚情。
宿霧深林猶杳靄，映山紅樹獨分明。
閒眠鷗鷺雲羅遠，飽飯漁樵箬帽輕。
此意渺然誰共賞，自臨

深碧洗茶鐺

江塘晚行

石瓦飛蓋拂沙鷗，晚色澄鮮宿霧收。
月動江光金躍冶，雲生海氣蜃成樓。
依依遠島初迷樹，細細寒潮不上洲。
忽轉崇岡天宇闊，恍然疑在閩風遊。

送楊志仁之安慶

當年峨豸立東垂，垂直節孤忠海嶽知。
丹陛一封驚石顯，長沙千里市湘纍。
葵傾廊廟心

逾赤蓬轉江湖鬢欲絲小向龍舒成臥治起
調金鼎未應遲

保叔寺次顧天錫八音詩韻

金鐙鳴過白鳥間石橋橫跨碧溪灣絲垂萬
柳斜臨水竹覆孤亭半倚山匏繫扁舟人渡
少土香新壘燕飛閒革囊携酒尋幽去木杪
巖扉豈不關

四明行臺夜坐納涼

炎暑塵勞併日程片時聊共晚風清披襟便

有羲皇意作吏難堪叔夜情露墜飛螢明復
暗城喧樓鳥定還驚鑑湖一曲應無恙爭似
吳松好濯纓

定海舟中

乘潮東下更天風百里飛帆瞬息中蕭爽真
成江海興煩炎初離簿書藜黑甜一味逾仙
醴碧落千尋入具宮坐覺身輕肌骨快蓬萊
應有路相通

送姜仁甫之淮陰

無因解組臥山雲千里長淮且慰君行矣世
途方擾擾歸歎吾意亦云云官曹已縱籠中
翼人物真空冀北群只恐周南畱滯久草堂
泉石有移文

松陽山溪

嶂裏清溪十里餘翠帷初卷看山輿劈開鼇
背流瓊液環列雲屏切碧虛試問武夷曾有
此不知巫峽定何如蓋幢搖曳斜陽影驚起
波心雙鯉魚

奉次陳成齋都憲遊朝天宮韻

何處青山是勝遊桺陰輕蓋到林丘臺評正
聳朝端望野興還尋方外儔魚鳥徜徉淹永
日雲霞縹緲立飛樓馮闌一送東南目了了

吳門綠樹洲

奉次成齋聞匏菴先生入閣

十年門下漑餘殘長得先秦古製看力重萬
鈞真載道望尊一代不緣官常時走卒知司
馬卽日君王想謝安從此黃扉多勝事鼎

彝千古費雕刊
奉次匏翁憶鶴園韻
曾見階前鳴向人
遠遊應卜令威隣
花陰夢斷三更月
海上雲迷幾度春
遺篋倦披空在笥
舊軒誰馭欲埋輪
園亭有主今坡老
尚憶玄裳爲寫真

癸亥九日雨中登南鎮禹穴

偶逢佳節慰征途
風雨無端滿鏡湖
神禹遺踪千古在
子長幽興片雲孤
東溟煙霧連秦

望南鎮山川壯越都
飛步丹梯凌嶽頂
絕勝尊酒對茱萸

登山遇括蒼李員外
載酒同遊因寄伯安秋官

登高兩屐正匆匆
有客仙舟逸興同
細雨真酬辛老句
峩冠不墮孟生風
排雲西嶺披秋色
把酒東籬探菊蓂
却笑蘭亭眠未穩
閉門時復走詩筒

再寄伯安

聞君旌節駐前川
衝濕頻催百丈牽
擬剔青燈看玉樹
不妨疎雨滯江天
扁舟獨坐遙相望
孤館此時應未眠
久矣無人開笑口
今宵幽興一超然

北渡夜泊

行盡嵇山鏡水間
每逢清景動憂端
東關聽雨江聲急
北渡看雲海氣寒
問俗無能空傳食
感時將暮欲懸冠
孰知田舍西成後
黃口啼饑淚不乾

嵇山行臺試士遇雨

撻掖如雲藝苑開
嵇山堂上近蓬萊
闕然東海蛟龍奮
騫地九天風雨來
焦土頓回生物意
名邦不乏濟時才
今年大比非疇昔
熠熠奎光照栢臺

次韻贈婁原善

無地依麻愧野蓬
紅塵曠曠欲成龔
尊前一笑風生席
江上三更月滿篷
雄辨入玄心爲醒
清歌送酒興難窮
夜深莫訝留連久
更擬

誅茅傍此翁

戊午十一月遂安道中

山中無物不清妍况是蕭蕭雲後天危石墮
厓銀柱折老松橫礪玉虬眠灞橋驢蹇寒無
柰剡水舟回興杳然爭似茲遊奇絕甚孱歌
千疊聳吟肩

和王伯安二首

性耽林壑真成癖胸痼煙霞不作痾已覺沉
酣皆道氣獨難驅逐是詩魔佳辰何事眠雲

屋俗駕知君厭玉珂惠我清詞兼墨妙臨風
吟玩幾迴過

洗出清秋片雨明千巖相競碧崢嶸青圍鳥
道微通徑濕重於霏半壓城天際緒風吹鬢
短山中新酒對花盈却嫌未免人間俗猶聽
松陰喝道聲

次韻答邵國賢

吟社年來跡甚疎舊盟寒盡欲何如惠山水
冽冰生齒滕閣江清竹遶廬尺素偶逢烹鯉

後百篇遙憶校文餘
堯夫擊壤知難和
少住詩筒且讀書

賓興勸駕詩

三物賓興大比年
諸君文采動星躔
蛟龍並起雲騰雨
鳳驥齊飛日麗天
儒者立身先節義
聖明圖治急才賢
春風晁董丹墀對
定有嘉謨徹御筵

西湖

十里湖光一鏡開
玉壺天地小蓬萊
丹青難

寫鶯花景山水真成錦繡堆
遠客正逢高宴啓
勝遊剛及暮春來
蘇堤岳墓循行遍
更醉馮園鴨綠杯

再次韻答邵國賢

別來雙鬢未全疎
塵外風神我不如
海內幾年還此會
天涯何處是吾廬
南征客棹雲俱遠
北望騷壇興有餘
庾嶺洪都封壤接
途中莫斷往來書

今年夏旱東越尤甚過姚有感

渺渺平疇半草萊歌殘雲漢有餘哀林空鳥
集枯枝噪灘急潮隨暮雨回風物最慘秋漸
老江山應笑我頻來傷哉民瘼何由慰欲寫
爲圖獻玉臺

與志道會後阻風兩江上相望有懷

星槎只尺杳難攀
一畝望前村綠樹灣積雨冥
冥還入夜寒燈隱隱獨依山心傾尊俎留連
後愁絕風波浩渺間一種好懷君會否枕樓
高枕聽潺湲

伏羌伯忠義祠

飛將聲名動朔方當年談笑靜戎羌屬橐障
合風雲氣許國心懸玉雪光野外蜂屯秋掃
蕩帳前星殞夜蒼涼丹青祠廟褒忠處西華
蒼蒼渭水長

壽域春榮二首

漆園幽遁小神仙白髮蕭蕭雪滿顛薄宦未
酬孫寶志義方今見竇郎賢
封章映日奎
躔動舞袖回風豸錦鮮最是登高佳節近千

秋行樂駐華年
高士軒中舊隱淪
白頭林下豸衣新
遐齡天與蒙莊叟
晚翠人同竇禹鈞
笛裡鶴飛江月曉
尊前花發洞天春
鳳雛獨立陽岡上
時有恩光到澗濱

次韻送大司寇戴公賜告歸浮梁

中朝名德冠儒紳
千載清風此碩人
今日廟謨須稷契
幾年歸計阻參辰
天門雨露辭丹陛
江國風煙夢白蘋
要識賜環恩數重

紫泥光照錦堂春

憶舊遊

憶從蕭寺醉春風
掌上花枝映酒紅
無限歡情酬此夜
一時幽興托諸公
探梅客會三星下
帶索人行片月中
別後相思隔千里
楚雲煙樹兩空濛

行臺日暮

何處蕭蕭暝色侵
海雲將雨過寒林
間關旅鴈天涯路
寂歷啼蜚歲暮心
槁木嗒然聊隱

几飛蓬搔盡不勝簪松垣深掩黃昏靜惟有
爐熏對苦吟

東山尋謝安石故居山中有明月亭紫

薇洞西眺巖

溪上青山一徑微煙霞無恙昔人非荒亭千
古照明月幽洞幾番開紫薇籍甚風流超魏
晉隱然勲業在淮淝蒼茫不盡懷賢意西眺
巖前對落暉

次韻王庶子四首

和行省夜坐

庶子高風海內聞十年瞻望隔江雲騷壇故
事猶堪想丈席何時許見分人口未容妨此
老天心應欲壯斯文紫薇垣裏詩筒送元白
遺音屬二君

和答胡提學

名家遠繼蘇湖教垂老猶懷杞國憂學道還
應尋白鹿著書何必跨青牛蕭蕭煙草無媒
路泛泛春江不繫舟投贈獨誇莘老句玉衡

冰鑑照清秋

和咏竹

一枝高拂碧雲端
慣與冰霜共歲寒
解籜春林憐玉立
濯根秋澗耻泥蟠
希聲古瑟風三弄
倒影飛鸞月半竿
退食薇垣多暇日
綠陰瀟洒石牀安

和送臨江孫五美

江城送客傾雙蓋
想見微風起碧瀾
共賞煙霞還對酒
只談文字不論官
尊前別意雲千

里物外孤標竹
數竿歸臥小齋情
未已更收餘景入
騷壇

送友人三首

英年自負定如何
千里雲津一躍過
已折秋香探兔窟
還魁綸對上鸞坡
名家世擅青錢選
舊里今傳白雪歌
忠孝策名儒者事
立身當不負賢科

碧梧翠竹楚江臯
鸞鶴翩翩見羽毛
自古籬金何足貴
從今門第更須高
杏花如錦迎遊

騎柳汁接藍染賜袍不是龍駒寧有此蟄雷
聲裏破春濤

歷塊過都指顧中青年如許更誰同却說才
業超時輩濬仲風流勝阿翁道在經綸輕佔
筆文追騷雅厭雕蟲茲行直上金鑾殿始信
蓬萊有路通

三衢道中對雨

細雨斜風旋轉船垂楊飛絮欲漫天一年春
好等閒過今夜酒醒何處眠清獻古祠煙樹

合巖陵仙瀨客

生懸塵勞滌盡還幽興吾與

江山殆有緣

瑞昌道中一首

肩輿終日繞雲竹登頓雖勞野興深臘色未
全欺宿莽春聲似已變鳴禽蒼松翠竹幾寒
暑白石清泉無古今猶恨此行牽世事未將
雙足遍欽峯

極目脩篁一徑迥忽驚身上楚湘中遠遊得
此殊堪慰清境橫前萬不同歷亂鳴璆泉漱

石鈎輻螿舌鳥鳴風留情最是斜陽景
畫
峯巒紫翠藂

用韻送王世賞

雄辯懸河久不聞寸心晨夕九疑雲
眼中星嶽依稀近天際萍蓬頃刻分
曠昔鑑衡收鼠朴明時鐘鼎用龍文
頭顱未白襟期在高步台階早致君

次韻贈夏德樹

赤城深處不逢君却在西湖弄水雲
野興悠

悠千嶂遠塵心擾擾百憂薰
尊前珠玉聊相倚物外煙霞幸見分
若道山林非樂地考槃永矢復誰云

次文山宿江心寺詩韻

九鼎搖搖繫一絲孤臣夜泣鬼神悲
乾坤俯仰今如此豺虎間關獨爲誰
直擬揮戈回落日豈知填海負深期
舊踪幸有遺文在洒淚西風讀斷碑

剡溪遇吳大叅理之聯舟尋謝公東山

西風韻
理之出示馮佩之投贈之作因次其

隨車春色映霜明
民隱無邊愷悌情
禹穴飛雲旌節壯
剡溪流水肺肝清
方舟邂逅盟鷗
樂樵藥低昂落照晴
共訪東山高臥客
盡知軒冕是浮榮

走筆送何以仁

傾蓋湖邊懷抱開
胸中不了不挂纖埃
乘涼武穆祠前樹
遣興巢君閣上杯
乍到山林如舊

識道歸猿鶴
定相猜知君未斷煙霞意
暑退秋涼更一來

和內閣吳匏菴先生壽何愛山韻

別來寒暑互推遷
一笑江干意惘然
投綬煙霞無物累
斲輪家世有心傳
風前瘦骨孤雲鶴
塵外閒身小洞仙
況是人間婚嫁畢
九峯三泖自年年

奉次劉大叅畱別之作

使節東馳五嶺春
滄浪奇觀眼中親
便教旌

旆巡行遍不放蛟龍出沒頻銅柱伏波遺事
遠樓船橫海壯圖新平生漫有登瀛想今日
三山在水濱

八月廿二日雨中書懷

幽窓一雨晝眠初耳聽芭蕉葉漸舒秋事蕭
條無可奈客懷惆悵欲何如北來關塞風塵
遠南去江湖鴻鴈疎便擬登高窮望眼此時
雲霧滿郊墟

挽童處士

塵外超然向子平千秋高誼在鄉評儒家能
事兼書數隱士閑身遠利名青壁玄猿時獨
嘯碧梧丹鳳已和鳴仙遊却笑浮生錯八十
餘年世網嬰

雨中宿安禪寺

紫翠連山罨畫濃鏗鳴巖谷亂泉春清溪流
水孤村迭脩竹寒林幾處逢啼鳥尚愁泥滑
滑肩輿時度嶺重重僕夫悵望停驂地忽聽
祇園日暮鐘

送曹元孝

雨驟天風生羽翰
冷然宵度碧雲端
繳湖回首蒹葭細
水部懷秋冰玉寒
已上瑤臺邀顧
兔絕勝蓬島駕
飛鸞丹山更有
新雛出突過
煙樓不作難

次兩山韻送審刑孫大理

飛蓋翩然來向東
清冰寒映玉壺中
四敷海上甘霖遍
一洗民間積弊空
直筆平反無過
舉斯文退食有餘
功庶幃便道光榮
甚況復

清朝物望崇

次韻顧天錫湖上之作

仙舸翩翩畫裏行
煙波如酒醉詩情
磬飄雲外林藏寺
山缺湖東樹繞城
花下人閑鶯自
語雨中春去草還
生欲携賀老蒼龍
杖直到
高峯頂上橫

送陳汝德進聖節表

日照龍樓生紫煙
清風義豸遠朝天
雲槎渡漢三千里
寶曆延秋億萬年
闕下諸公裁薦

剡江南野叟候歸船只應廉譽聞
丹旆留作鹽梅進御筵

登江心塔寺二首

亭亭孤嶼立江臯千尺招提壓怒濤
水國天空城雉小海門潮下石甌高
山靈不厭幽人賞野興那堪俗務勞
欲作長風凌碧落十洲三島恣清遨

萬里滄溟只尺間登臨一眺豁心顏
甌閩形勝應堪攬王謝風流尚可攀
齋鉢午驚山鳥青天半日閒

江行迴文

塘南泛葉一舟輕路遠雲山碧處行
香黍早嘗欣歲稔得鷗閑對坐江清
觴傳客店村醪濁釣罷漁航野笛橫
涼氣晚含風柳岸光浮遠水落霞明

晨登窰輿嶺

上上輕輿健步齊橫空複道走晴霓
下臨赤

岸疑無地仰看青冥信可梯蓬島飛雲迎海
鶴扶桑初日舞天雞欲從絕頂窮南粵一氣
茫茫老眼迷

望鴈蕩憶舊遊

層巒疊壁皆瓊玉雜以丹砂與石英泉瀑晴
飛山雨濕松筠風撼海濤鳴都將世路遮閑
斷應是神工琢削成舊攬煙霞渾在眼欲磨
天柱重題名

初入鴈蕩

誤入清壑衆妙門居然物外自乾坤移來西
極崑崙圍蓋出東維天地根迷路每從樵叟
問澹心難與世人言夕陽疑有群仙過千隊
翔鸞萬寶幡

遊李氏山亭

掩映峯巒似幔亭尋幽思入暝煙青孤松席
畔傾飛蓋惟石雲中辯落星夜靜天河光漸
轉人歸鳥鵲夢初醒翛然萬籟虛空裏須向
高堂枕土聽

題陳都憲奏議

東吳惠愛久傳聞千載甘棠感使君鄉老常
時論故事塵編今日見遺文經綸手澤人間
世想像仙遊海外雲信是太丘餘慶遠諸孫
廊廟有陳群

登能仁後山

山路雨晴新綠肥蕭蕭藤橘刺牽衣風生脩
竹間啼鳥葉脫深林漏落暉幽洞半開橫石
筍危峯欲墮壓巖扉芒鞋步入雲深處先喚

青童掃翠微

龍湫瀑布

鬱鬱千尋白玉成誰將匹練挂空明巖頭定
有蛟龍隱天際只疑河漢傾五色晴虹搖日
影半空飛雨噴風聲紛紛雪浪寒潭裏金石
鏗然時一鳴

馬山西谷

萬尋崖壁環幽洞仰視碧空如蓋圓木剪晴
光金錯落溪穿石罅玉潺湲龍湫西墮千林

杪天柱東臨兩觀前塵世幾人能到此巖扉
長自鎖蒼煙

晚過宗陽宮

廣庭高樹鬱蕭森碧殿虛閒複道深落日停
驂塵慮息遠風吹鬢

島

如聞鸞鶴

行出滬天

滿城

明夜沉沉

亥十月廿五日

旅紛

後何處息算篁久淹鉛

槩心應死每見煙霞眼獨青馳逐身勞悲宦
轍品題才薄愧山靈阿誰得似天工巧削出
連雲萬玉屏

暮春會墅嶺

登高直擬梯雲漢絕頂翻成掌面平已訝雞
豚如市鬧更聞鐘磬隔林鳴溝塍歷亂桑田
列燈火相將父老迎舉手星辰疑可摘始知
身倚碧天行

暮春山行

竟日巾車遠參芳此行真不負春光園林密
布千重錦風日晴熏百和香紅謝殘花成淡
白綠舒新葉帶輕黃更憐萬木交陰處泉
鳴球鳥弄簧

新昌山中晚行

寒山向晚無窮意衰草疎林落照間冰塞細
泉流抑咽藤牽危石置孱顏茅靜對雲屏
掩樵牧時從鳥道還欲便少畱畱不得此生
丘壑殆天慳

閱溫郡諸生試卷有感

藝苑青青集子衿東甌文獻舊儒林千篇競
作風雲狀一鑑空懸水月心燕玉幾人能辯
石海砂何處可淘金却從先哲尋源委惟有
梅溪一派深

客散後與葉良材夜坐次浦有積韻呈
諸公

逸韻清談迭唱酬夜深同醉瞰湖樓風篁北
院鳴孤籟海月東窓挂一鉤陳老已投車轄

在山公還倒接離不牀頭可奈無佳醞且酌
平原舊督郵

王汝承南樓

日長幃幕午風薰架插牙籤護綠芸高士偏
宜徐孺臥清談還許庾公聞天連衡楚離明
近手摘星辰軫翼分九萬鵬途應不遠碧闌
干外是青雲

題長洲郭封君擇勝舟和韻

筆牀茶竈在扁舟興至題詩醉即休釣雪灘

前邀月飲垂虹亭不看花遊秋江處處滕王

閣夜景家家庾亮樓淺水蘆花無處着玄真

曾望我同儔聲倉曹分司臨清

長河如帶不容舳應念丁夫轉運勞已傍洲

津開巨困更分清旃出仙曹紫宸北望雲

宜徐孺臥清談還許庾公聞天連復楚高
近手摘星辰軫翼分九萬鵬途應不遠碧闌

曾巖姊同壽

閣外景寥寥爽氣歎秋水蘆花無與春
鮮豔月煇無功亭下香芬豈殊功歎歎

半江趙先生文集卷之七

七言律詩

送秦國聲倉曹分司臨清

長河如帶不容舳應念丁夫轉運勞已傍通
津開巨困更分清旆出仙曹紫宸北望雲
千里白粲南來玉萬艘會計從今無宿弊冰
壺懸照徹秋毫

送傅冠卿

少宗伯月川之子也

暫徹晨昏千里行商飈寒促故園程學詩不

墮趨庭訓肯構今看作室成
謝砌生芝真繼美胡縑畱篋
有餘清西江水綠粉榆暖莫忘
天涯岷岵情

送王上舍

德輝之子

青年文藻逼風騷信是名家有鳳毛
已用韋賢經術進還看梁固甲科高
庭闈都下春暉燠桑梓江東客夢勞
行色更逢秋興逸白雲紅樹滿林臯

壽徐翠菴

其子鶚中書舍人

人日春生順德堂翩翩綵勝雜瓊觴
白頭正耐煙花繞紫誥仍頒雨露香
孺子清風傳遠近仲車高義出尋常
眼中蘭桂森森長椿壽年年正未央

送僧惠瀛歸住姑蘇靈巖禪寺

名山鬱鬱郡城西遙望叢林積翠迷
寶殿琳宮塵不到屨廊香徑鳥空啼
幽深自稱禪家住佳麗還憑墨客題
早晚懸冠歸舊隱會將藜杖躡雲梯

贈善畫僧古蘭

禪牀高臥太湖東
幻出乾坤意不窮
誰謂丹青非本色
要知空有是家風
王郎詩在無聲處
顧老神傳阿堵中
悟得毫端三昧法
不須重問石田翁

古蘭嘗謂人曰我師石田

送僧住吳江寶華寺

寶華禪院五湖東
隱約層臺俯碧空
一曲煙村孤嶼外
數聲仙梵夕陽中
天花已悟根塵絕
水月真看色相同
莫恠道人歸興早
朝來

燕樹起秋風

送崑山許翺司訓新喻

郭外青山擁泮池
兩齋岑寂聽晤咿
身沾一命還兼隱
道涉多方信可師
點瑟襟期應自樂
鄭蘊風味許誰知
品題月旦渾閑事
且授家傳舊魯詩

送上海沈翁

其子恩丙辰進士

半世逍遙碧海濤
偶看雛鳳上瓊林
佳遊未遍長安陌
清隱難忘故國心
萬戶千門殊壯

麗九峯三泖自高深青雲事業從兒輩領取
松篁十畝陰

壽王玘同知母

時同知新拜官南歸

麤麤雙鬢未成絲閨閣春含愛日暉坐愛板
輿金犢小醉看蓬島綵雲飛堂開燕喜人難
老天與康寧願不違頓覺門闌增氣象斑衣
初換錦衣歸

僧無瑕住鶯湖殊勝寺復移住圓明禪
院領檄歸吳賦詩送之

占斷鶯湖萬頃秋渚雲汀月供心眸水晶宮
與人間別蘭若天應物外求澤國煙霞稱絕
妙錦帆簫鼓憶曾遊如何不向茲山住更覓
圓明野寺幽

送僧住支硎山寺

回峯如戟倚江天支遁風流尚宛然馬跡千
年畱石上鶴飛何日返亭前林泉有意尋幽
賞軒冕無因了俗緣寺主相逢聊借問幾時
方丈許參禪

送馬善徵行人

新秋一雨滌炎光
郊路微風送早涼
使節關山行色遠
祖筵賓客醉歌長
東吳舊業迷煙樹
南浦歸帆帶夕陽
千里皇華思報主
豈緣鱸橘滯江鄉

送友人

自古箴規屬友生
獨慚迂拙語言輕
英資莫枉青春過
逸駕還求實地行
夜月關山孤客夢
秋風荷芰故園情
向來珪玷堪深省
此事

天應玉汝成

壽湯宗大

婚嫁初酬萬事成
白頭安坐閱昇平
更憐德耀能偕老
不羨陶朱善治生
綺席圖書閑寓目
碧山猿鳥共忘情
一年一度長生酒
付與花前十萬觥

送楊元範宰平陽

領得天恩出瑣闈
雙鳧寒度海雲飛
已聞地勝登臨快
更愛民淳獄訟稀
遠郭峯巒排

戶闥開簾煙月淨琴徽春風阡陌循行處想
見桑陰雉子肥

送林舜舉僉憲

千里驂騑道路開青年頻試出群才崢嶸神
牙當朝聳蔽芾甘棠滿郡栽江左又承恩
命去嶺南新奏凱歌回一方未罄澄清志早
駕星輶入內臺

次李若虛韻贈林舜舉侍御二首

舜舉
巡按

廣東有平賊之功
故若虛賦詩美之

滿山貔虎壓林臯驄馬身兼汗馬勞鼠穴搗
空秋捲甲羽書飛捷夜揮毫功歸廟算千
官賀瘴歛炎荒五嶺高白面書生非易與共
誇臺省得蕭曹

右平蠻奏凱

峩冠突兀上雲衢風裁居然玉不如吳郡人
思龐統駕海邦春迂范滂車狐狸遠遁飛鷹
外霖雨深沾攬轡餘自許乾坤經濟手乘時
休遣盛名虛

右衣繡行春

送王器之侍御巡東吳

千里飛帆下五湖
四州民瘼待君蘇
才同鷹擊還兼鳳
志息狼貪不問狐
來往曾無家室累
笑談應喜故人俱
松陵古驛茅茨近
肯枉星輶一過無

周文濟御史之尊甫生朝在四月之初

母夫人在八月之望同登六旬矣作

詩壽之

四時花竹繞庭闈
鸞鶴雲端比翼飛
纔見薰風迎暑候
卽看華月弄清輝
仙齡共祝千秋歲
兒戲新裁五色衣
獨有賢勞驄馬客
望瞻南極思依依

陸地蓮壽羅翁

陸地生蓮古有之
傳聞關尹降生時
兩間靈秀山川孕
一氣冲融草木知
不遣淤泥妨妙麗
真從土壤出神奇
高堂持作延年供
甘露祥雲滿壽卮

恩慶圖

為白輔之員外賦

君家科甲擅清芳
試看毘陵進士坊
誰羨鳴珂張相里
未慚通德鄭公鄉
上卿劔履依龍袞
群季衣冠接鴈行
都下錦袍春戲綵
國恩家慶兩無央

張貢士貧樂窩

詩書道重萬金輕
莫恠先生懶治生
日飲一瓢應自足
家徒四壁有餘清
淤泥未許龍蟠久
雲霧終看豹變成
曾次灑然真樂在
人間

貧富已忘情

送駱蘊良知潮州

領得魚符向海隈
凱風江上錦帆開
名邦出牧推賢守
宥府叅謀識俊才
已覺藍關無雪擁
應從合浦得珠回
專城事業基台鼎
未許霜華兩鬢催

贈僧無涯

滿座煙霞淨道場
僧所居號法輪旋轉未渠央
懸知瀚海蠡難測
謾說涸沙斗可量
三界

空中天不住萬緣消盡日偏長世人若問無
生話一韋吳松望大洋

送任思順考績歸郡

思順引疾棄官歸郡人上章畱之因

復起視事

向來何事早投簪鍾鼎情疎野興深謝去已
成丘壑計挽畱真得吏民心穎川治行應無
愧盤谷風流未可尋正是青雲揚厲日頭顱
不受二毛侵

方壽卿主事之弟信卿官南京戶部號

雪筠賦詩贈之

塵外娟娟見此君眼中千仞拂寒雲幽姿已
拔閩南萃直節還空冀北群更有六花相嫵
媚居然雙玉並清芬養成蠓谷伶倫管吹入
鈞天萬國聞

宜興張氏雙桂堂

張之先有為金紫光祿大夫者因以名其

里邦祥邦瑞兄弟登科云

金紫清光照晉陵家聲千載見雲仍鄰林標
格寧專美竇氏芬芳尚可徵秋老淮南非舊

隱月明天上喜同登願將金粟連枝樹栽向
瑤臺第九層

弔文山遺墨

并序

僉憲錢世恒家藏文山臨難時與弟
妹書一紙燬于火吳太史匏菴嘗抄
得其藁因錄一通歸世恒予爲賦此
弔之

不獨仙遊不可攀手書應亦壓塵寰數行價
重隋和璧千載名高太華山煨燼已歸雷電
裏光芒猶射斗牛間典刑雖遠斯文在開卷
令人涕淚潛

匏菴先生園居有玉延亭海月菴先生
之以內艱去也吳南夫內翰借居之
余嘗戲謂亭曰借玉菴曰借月內翰
作詩見寄輒用韻奉答或可備園中
一故事也

主人三載別亭菴乞與先生寓讌談翰苑餘
芳誰可繼延陵華胄子何慚長容野客來花

下清挹天風起牖南不用樽前分主客宦途
同是暫停驂

水雲亭送顧惟庸司務之南都

建鄴分司幕府清薊門携手送君行亭前山
鳥畱人醉江上春潮帶雨生北闕煙霞千里
夢南雍樽俎十年情官居住麗鄉園近不愧
清時吏隱名

輓載恒菴司訓

獨踞寒氈歲月淹挺然松檜逼秋嚴寸心自

許宣尼見一德真符大易占吾道在人堪久
遠物情何事屢涼炎典刑逝已芬芳在悵望
山廬月滿簷

送毛世章僉憲進表還西川便道歸

省甬東

星輶春動錦官城臣子心期在此行 聖壽
萬年紅日永庭闈千里白雲生趨朝已效華
封祝歸路還酬戲綵情莫向枌榆淹駟騎三
川秋暑望澄清

送照上人歸吳

千頃平湖入渺茫
叢林深在水雲鄉
寶幢影落澄波動
仙梵聲驚白鳥翔
境勝禪心應自
在地偏塵慮易消
忘袈裟莫遣歸來
晚好趁新秋一味涼

輓程翁

廷臣主事父也

隱君風采似前賢
中饋芬芳更儼然
施與不妨家業裕
操持真見閭儀傳
丹青雛鳳翔千仞
白日奎章照九泉
身後榮名今若此
義方

應不負生前

儲靜夫淨拭軒

碧漣斜抱野亭隈
菱葉荷花歷亂開
事少官曹偏散逸
心清天宇自昭回
軒墀不遣塵泥溷
樽俎還容水月陪
千古靜觀方得意
門前車馬莫頻來

題烏箋圓圖泥金梅月贈馬汝礪廬州

不似山林雪後看
一枝高艷破清寒
初驚寶樹繁星爛
忽見丹青片月團
東閣詩情超景

外西湖幻相入毫端郡城靜夜懸金斗廬州有金
斗城編稱黃堂坐倚欄

送何子元主事使甘涼

西北河山壯地圖此行車轍半寰區渥注有
種殊堪慰江夏無雙信不誣粉署離情煙月
迥玉關歸路楚雲孤青年況是松筠質不畏
冰霜萬里途

送陸全卿

激揚雙翮正橫秋便自抽身向急流塵鞅十

年宜少息山資千畝復何求功名夢破盧生
枕湖海風清魯望舟榮擢高閒君兩得主
恩無量若為酬

應詔揮毫為僧錄體東白作

白馬西來億萬言親承綸命闡玄門綵毫
揮雨天花落金簡臨風貝葉翻三藏淵源歸
妙墨九重敷奏沐殊恩上人自是禪林
秀文事旁通道益尊

次韻送伍朝信周伯震二郡守七首

雉尾輕風不滿旗
螭頭晴旭轉瑤墀
承宣正
羨分符重僕
偃翻嫌拜
命遲已見聲華歸
物論好輸肝膽答
恩私明明入宵旰
求賢
意傳與東南父老知
專城白晷正青春
紫綬光搖皂蓋新
驛路溪
山看罨畫
帝鄉車馬憶揚塵
要從瘠壤施甘
雨莫遣遺衢生野藜
一郡蒼生誰倚賴
恫瘝
都屬宰官身

兩賢心跡久相符
粉署常聯玉佩趨
興至壺
觴酬謔浪詩成
風雨助歌呼
雲龍追逐從天
壤騏驎聯翩出
冀都應是當年元
與白心交
渾已忘形軀

案牘如山不着忙
庖丁解刃屬仙郎
每聞佳
句頭風愈自阻
清談舌本強
花鳥難畱燕郭
騎佩環猶帶漢廷香
與君他夜相望處
應共
青天片月光
郵亭供帳倚層城
把袂殷勤不盡情
西署幾年同結綬
寸心千里獨懸旌
春光如海煙花

迥野色連天草樹平最愛畫船江上路東風
晴颺棹歌聲

江鄉問俗駕輕舸頗覺心緣撫字勞河內一
年聊借寇廣州百甓正煩陶閭閻到處車隨
雨齋閣開時坐擁旄共理功成優詔獎襲
衣應賜鬱金袍

越山蜿蜒似盤龍神秀還應造化鍾萬壑縈
迴羅作帶千巖層疊劍攢鋒旌幢沾潤雲霞
襲肌骨生寒水石春露晷行春思濟物不知

清景與詩逢

正月廿三日酌別伍朝信於興隆僧舍
酒中予賦詠甚多率皆草草歸而悔
之呈朝信一首

在雷三星照別筵不知今夕是何年浮生漸
老紅塵裏野興相忘綠酒前輕率語言吾甚
悔清狂文藻世誰憐天涯去住須臾耳人事
叅商一愴然

送秦信卿歸華亭

信卿以輸粟授官
未汝承之內弟也

太虛高韻久沉寘偶問諸孫識典刑散吏印
章聊爾耳舊家人物故寧馨燕南雲樹三秋
迥海上峯巒數點青歸到鄉園多勝事錦堂
重慶日趨庭

送白輔之

九重天上罷嵩呼歸試斑衣視膳初西省孤
標峩柱石南臺清望儼璫璣庭闈樂事春風
裏江國歸心暮雨餘奕葉詩書兼孝友三吳
門閥冠鄉閭

次韻送張羽進士宰淳安

南去江山滿路詩寧煩下俚贈將離登臨不
爲賢勞廢文雅偏於宰牧宜闕下天高人別
遠柳邊風細馬行遲平生好古多幽興何處
郊原有斷碑

雙瑞堂 爲謝侍郎先生賦謝與兄太

守公同游鄉校同登科時有雙蓮駢

桂之瑞故以名堂

二難鄉校昔同遊大比賢書復並收雙蒂紅

蓮芹泮雨駢枝丹桂月宮秋
禎祥疊見應非偶
棠棣聯芳豈易求
伯也專城仲台鼎
一門清望滿南州

贈陳克明庫官

陳善寫墨竹能彈琴頗文雅可愛

官舍還同隱者廬
了無公事惱居諸
廣陵幽韻風塵表
與可閒情翰墨餘
白眼誰應憐傲吏
朱門吾不曳長裾
悠然獨挂西山笏
大燾高牙恐未如

送僧歸住吳江華嚴寺

時寺燬于火已久冀師往脩之

土焦蘭若已多年
尚有浮屠出紫煙
靈勝常畱因地在
住持今得上人賢
遠携錫杖來經始
行見琳宮起鬱然
佛事聿興檀施集
大開方丈與安禪

送楊來虞

楊在京師寓吳少宰先生館少宰號鹿塲

鳳城東巷鹿塲前
斗樣書樓坐草玄
久客初酬彈鋏詠
故鄉仍欠買山錢
耕耘筆硯身將老
來往江河路正便
歸扣竹扉驚稚子
奚囊詩卷勝腰纏

送吳郡道紀王逸人

頭上高冠切紫雲羽衣玉節謝塵氛
新隨笙鶴朝真宰曾撤籠鵝贈右軍
廳事松筠開蕙帳印章霜月護龍文
夜深一閱遊仙曲清徹蓬壺處處聞

壽蘇廷美

長春曲度紫鸞笙三伏高堂暑氣清
吳苑煙霞真隱地薊門風月壯遊情
君恩已授閑官秩鄉曲何慚義士名
甲子人間周復始黑頭猶未着霜莖

赤壁圖

白露橫江水接天馮虛應似挾飛仙
何人醺酒賦橫槊有客吹簫歌扣舷
遺響悲風秋瑟瑟流光明月夜娟娟
興來痛飲杯盤盡一鶴掠舟驚醉眠

歸去來圖

田舍將蕪胡不歸迷途今悟向來非
門前稚子開松徑天際輕風吹客衣
秋晚南窓堪寄

傲晨光前路正熹微人間富貴徒爲耳雲自
無心鳥倦飛

代丁松爲其翁壽

陟岵天涯匪未還遙瞻南極照江關人間軒
冕紅塵擾物外林泉白晝閑壽域全清三伏
暑舞衣惟見一人斑分符賴有雙孫子玉立
娟娟慰老顏

送汝濟商

青春鄉校舊遊同野鶴雞群有父風文字

殿前應小試雲龍天上已潛通南薰出祖車
難輓東署連牀語未終見說穿楊歸老手廣
寒仙桂發秋藂

送徐一齋主簿綱運還閩中

君去閩南歲再闌無邊山水畫中看休嗟匹
馬辭家遠幸免重裘冒雪寒孫寶官卑聊祀
竈仇香名重暫棲鸞都門把袂情何已惟願
深加別後餐

金梅次匏菴韻

流碧粼粼帶淺灘
躍波明月試遙看
誰教變作金光爛
似厭平生玉骨寒
和靖清風橫雪嶺
羅浮幽夢落仙壇
花神應得靈丹秘
來向烏臺點鐵冠

謁孟子廟

廟重建始落成

輪奐巍巍逼紫清
入門瞻禮愜平生
連山雲霧凝寒碧
古木冰霜帶晚晴
道統真傳開後學
儒風丕振仰皇明
潔齋欲釋新成奠
無奈星軺促遠行

過杭州

風雨黃昏過武林
長衢燈火萬家深
雲端不辨吳山色
途次時聞越客吟
逝水流光驚卒歲
故園魂夢攪離心
寒梅獨照郵亭夜
逋老高風何處尋

題畫

目極江湖不可攀
偶披圖畫一開顏
春深草閣林隈暖
日落扁舟渡口閑
山色正濃雲隔斷
海天無盡鳥知還
耳邊彷彿踈鍾度
疑在

蒼茫杳靄間

答婁忱縣博

衡門却掃任蒿蓬
斷盡知聞非病龍
習靜久穿居士榻
尋幽空泛剡溪篷
樓頭星斗低堪摘
曾次乾坤妙不窮
瞋目十年功百倍
竒方試問紫陽翁

代東魯張寬送行得頻字

聖涯何處問迷津
濂洛清光起後塵
已用綱常司國憲
要將風義動儒紳
巖廊道在斯

文重玉燭春調大雅淳
自是薇垣通鳳閣
紫泥天上拜嘉頻

代長洲陸全卿送行得虛字

濟時勲業五車書
雲夢曾吞更有餘
一曲驪駒斜日外
滿城桃李暮春初
朱轡問俗南藩遠
黃閣求賢左席虛
舟楫鹽梅深倚仗
未應畱戀武昌魚

代關中范鏞送行得今字

初望閩山碧萬尋
斯文真印重南金
諸生願

立伊川雪四海思沾傳說霽清廟朱絃風淡
淡方塘明月夜沉沉平生培養收功處要遣
聲光動古今

代西蜀陳輔送行得年字

海潮初上放樓船水色山光動別筵宇內群
生深望雨臺端有客誤忘年詩書直繼關閩
學勲業行看琬琰鑄欲挽佩裾畱不住洞庭
春色遠連天

送行得儒字

烏府清風散畢逋薇垣小隊舞來蘇夢迷天
竺孤山雨春滿洞庭青草湖今日鹽梅須此
老古來經濟在吾儒白麻喚取歸 朝去獨
立巖廊贊 廟謨

次韻陸全卿哭王敬山侍御

當年風采動朝班直擬身將殿檻扳玉碎炎
岡天爲慘雲迷弔鶴夜空還龍逢如在堪方
駕梁父當歌忽破顏不獨父 嗟非嘆久夕陽
煙霧滿西山

立伊川雪四海思沾傳說霖清廟朱絃風淡
淡方塘明月夜沉沉平生培養收功處要遣
聲光動古今

代西蜀陳輔送行得年字

海潮初上放樓船水色山光動別筵宇內群
生深望雨臺端有客誤忘年詩書直繼關關
學勲業行看琬琰鐫欲挽佩裾畱不住洞庭
春色遠連天

送行得儒字

烏府清風散畢逋薇垣小隊舞來蘇夢迷天
竺孤山雨春滿洞庭青草湖今日鹽梅須此
老古來經濟在吾儒白麻喚取歸 朝去獨
立巖廊贊 廟謨

次韻陸全卿哭王敬山侍御

當年風采動朝班直擬身將殿檻扳玉碎炎
岡天爲慘雲迷弔鶴夜空還龍逢如在堪方
駕梁父當歌忽破顏不獨父陸非嘆久夕陽
煙霧滿西山

山行

千嶂縈藍萬木青
風霜疑不到林扃
九天晴旭開雲錦
一雨新涼洗玉屏
塵外茲遊聊伴興
人間何處不凋零
會心真境那能舍
少憩松陰舊草亭

半江趙先生文集卷之七

半江趙先生文集卷之八

五言絕句

題畫

細雨入林青
孤雲映山薄
何處是歸舟
臨風倚江閣

山行三首

萬卉忽如掃
孤松誰與儔
山空歲云暮
獨玩意悠悠

冰霜石巖下
藜菊發寒枝
寂寂深山裏
幽芳

空自知

水灑葡萄釀潭開碧玉鐺青山不解飲落日
醉顏頰

宿剡溪

片月流清淺千巖鎖翠微子猷如對此乘興
定忘歸

芙蓉峯

的的分金瓣亭亭凝碧香浮雲似流水天際
泛晴光

龜步

折玄丹古紋生綠毛自從羲畫後重獻

國高

丁巳正月七日郊祀齋宿五首

入壇

華森萬騎 園丘曠千頃仰瞻日月光轉
天地迥

迎駕

仙班合九重黃道開貔貅十萬隊 宸

自天來

賜食

飯皆君賜况承

恩詔親素餐何以報

尺激愧微臣

歸慕

去護晴日春音
南城
聖心思對越穆

齋明

居

直蕭洒手
清
君百慮寂皎皎

靈臺光

夜行

缺月隱雲端清江匹練寒夜深魂寂寂天淨

露溥溥

六言

食蛙炙四首

味道方同雞肋校文深厭蛙鳴青草池塘處
虛都來金鼎調羹

學字曾尋科斗聞聲莫問公私熊蹯有此風
味堪笑癡人朶頤

公子綠衣脫肘美人玉臂橫秋應念客窓岑
寂故將瓊碗相投

暫徹林亭鼓吹追陪文苑壺觴要賞江南佳

味肯教井底深藏劉文爽靈黠要賞玉南堂

味肯教井底深藏

公千絲水柳柳美人正贊蘇杯劉念容窓峯

公千絲水柳柳美人

學字曾尋林卡陶贊莫問公休無繼有北風

學字曾尋林卡陶贊

如巖不同蝶柳對文彩雁翅出青草出歌

如巖不同蝶柳對文

六言

七言絕句

西軒偶成

朝來清景滿西堂一雨平添十倍涼翠帶相
牽盆苻亂玉簪如簇砌花香

省中西軒與存敬分題賦得水萍

水面浮萍夏雨前碧雲重疊覆青蓮只因菰
苻茸茸發穿破參差萬玉鈿

春江圖

朝雨霏微濕短篷江頭昨夜是東風試看新

水添多少沒盡青青蒲葉藜

江南東風漲水又能作雨

次王濟之先生賞桃花四絕句韻

七字能為花寫真百壺堪浣簿書塵如何虛
作楊雄客不見草玄亭上春

嫋嫋風前舞夕曛吟筵亦解醉紅裙我來欲
和陽春曲似為東家減一分

年年春信逐詩魂先到東園小洞門應是玉
堂人寂寞故教傾國慰晨昏

今歲花應怨獨開主人何處未歸來棘闥深

鎖南宮雨也憶殘紅點綠苔

陳以時舟中次楊君謙韻

山頭日脚半湖明草樹煙波動晚晴正是江
南好光景畫船長在畫中行

一雨家家掃落紅江頭新水漾東風不須多
載宜春釀千頃葡萄在眼中

水痕清淺照梨花待月尊前興未賒欲向虹
橋洗餘盞青帘樓上是誰家

送錢仲美司訓高唐州

高城十里古魚丘，閭井蕭森草樹幽。二十年
前登橋路，青袍今日送君遊。
書林嘉譽自青年，老得微官似鄭虔。莫向坐
羶論不遇，泮池風月正無邊。

元城歸去近如何，想見蕭蕭兩鬢皤。此老胸
中有丘壑，煩君休暇日相過。
元城劉士元侍御也

寄儲靜夫

孤山湖上倚斜曛，極目淮南碧海雲。霖雨春
來懸望久，可能畱滯待玄纁。
靜夫調琴成聲趨朝期緩故

以此激之

諸暨道中

山色朝來得雨新，船頭爭獻玉嶙峋。人間圖
畫應無數，誰信丹青自有真。

登韜光菴遇雨

層層林樾繞羊腸，千仞回盤入上方。城市紅
塵應洗盡，更教疎雨助清涼。

雨中山行

偶辭塵鞅入煙蘿，頗覺青山意緒多。已噴飛

泉醫俗病更將疎雨喚詩魔

過鏡湖

欲覓知章問舊遊快風吹過鏡湖頭煙霞路
與紅塵別萬壑連天空自流

過天台山

白日巖扉故不開重重煙霧鎖天台山靈應
是孤高甚怕有世間塵鞅來

江行

萋萋煙樹雨中青隔雨春山半杳冥沙上閒

鷗眠正穩舟行莫傍釣魚汀

自處州至金華山行五百

前度登臨詠曉晴幽潛無處可逃形重來料
得山靈懼故遣林巒畫杳冥

層崖細路石差栽況是天寒雨雪多行不得
來泥滑滑數聲啼鳥奈君何

六鰲飛駕海潮來龍闕天門禹壑雷驚破黑
甜無一物石泉澎湃落巖隈

茅茨煙火兩三家路轉清溪石磴斜最愛脩

脩殘雪裏幾竿修竹映梅花
野老衝寒晨出門綠厓匍匐上山樊薜薇暮
韻年來盡空把長鑱斲雪根

送范以貞四首

薰風湖上芰荷新梅雨蕭蕭墊角巾借問先
生去還住九衢車馬正揚塵

當年鈴閣臥淮陽滿郡花陰鶴唳長林下歸
來更多事無邊風月要平章

寂寂煙霞遠索居阿誰携贈一編書陰符參

透無人會三沐三熏獻玉除

覓得江湖一葉舟山中魚鳥莫深愁先生不
爲功名出要作人間汗漫遊

王伯安秋官約嵇山登高及期以病不

果

湖上知章竟不來嵇山無主欲空回東籬況
值風兼雨誰共花前倒一杯

登玉峯東亭

平疇五色錦斑斕萬屋參差落照間東海盈

盈杯杓小翠眉一抹是虞山

暮春行剡溪偶得四絕句

舟行竟日風兼雨却憶當年雪滿溪見說謝
公遺廟在泥深無屐躡丹梯

懷人中夜據胡牀便喚青童泛野航可惜清
溪冰雪阻無邊幽興付滄漭

開道清溪古廟深擬番飛棹一登臨雨深石
滑無雙屐空詠池塘春草吟

一道清溪碧玉斜萬山重疊鎖煙霞樵人漁

子茆茨少何處可尋安道家

六月十一日雨中小齋偶書

數點蕭蕭葉上聲午窓殘夢幾回驚起來獨
凭闌干立涼思還兼野興清

瑞昌道中

噴玉飛泉瀉碧流山泥滑滑滯行舫園林處
處聞啼鳥正是朝來宿雨收

泥滑山高路險巖每逢佳景亦心怡陰陰碧
樹深崖底掩映梅花三兩枝

觀風謠十一首贈侍御邢公

湖州

七十二峯攢玉簪
若溪流永鑿千尋
駱駝橋上駐霜節
山益高寒水益深

杭州

霜落烏啼秋凜然
栢臺高處近青天
使君胸次一輪月
長與西湖相對懸

嘉興

攜李城高江月明
中宵猶聽榜歌聲
自從露

冕巡行後無復
豺當道橫

紹興

越王城上曉烟開
橫梢先驅爽氣來
柱後鐵冠裁獬廌
山陰畫閣近蓬萊

寧波

魚鳥晏然狐兔愁
清風吹滿鏡湖頭
田間父老驚相問
知是朝來驄馬遊

台州

飛蓋脩脩拂紫煙
山晚風行過赤城
前荆榛掃

盡龍蛇遠雞犬萬家皆洞天

溫州

天上風雲隨使星前驅屏翳後玄冥東甌久
旱逢甘雨一夜涼生孤嶼亭

處州

翊 運元勳舊墓田 明時曠典獨蕭然邦
人感嘆諸孫泣創見飛櫬凌紫煙

嚴州

滄江月照嚴陵瀨白簡霜飛御史驄未向人

間論出處但看清白古今同

金華

千古江山八詠樓公來明月正高秋澄清不
減范孟博瀟洒還同沈隱侯

衢州

人人頭上惠文冠誰復稜稜鐵面寒千載吾
鄉趙閱道于今重向使君看

王思善月湖乘棹圖

萬籟無聲夜寂然扁舟移過柳陰邊水沉天

影相連碧月與湖光一樣圓

浙臺送龐宗源還吳江

西湖六月芰荷天滿地清風拂畫船
載得新涼三萬斛高堂歸獻白頭前

題畫四絕為白輔之作

棹穿波底月船壓水中天

水氣微茫夜色深碧天高下月升沉
此時真景應難寫且聽船頭欸乃吟

霏霏向人薄脉脉去人遥

灞陵驢背坐題詩正是千山雪霽時
時復瓊花三四點隨風吹墮碧松枝

數株風靜樹一派雨來泉

澗底涓涓泉始流山中喬木蔭清秋
杖藜一上溪橋望正是朝來風雨收

潮平兩岸闊風正一帆懸

時輔之將南歸故詩

祖道臨流送遠行官河春漲雨涯平
乘風直下三千里朝發金臺暮石城

題扇贈昱上人

吳山西麓洞庭前萬頃湖光一鏡懸居士草
亭無長物楞嚴一卷送流年

過太湖

苔水粼粼瀉碧油雨餘寒送麥畦秋船窓試
捲青簾看七十二峯虛翠流

三衢道中

青山雲霧暗江郭浩浩黃流奪練光路上行
人相指點騰蛟昨夜起前岡

言志

苦憶東南山水隈已無情緒走塵埃何人先
自清游去我有青鞋亦共來
風流故與時情別檣散偏於酒趣深未老便
懷投綬計知公天性在山林

贈侯公繩

頽洞曾中一事無世情官況兩蕭疎野人久
坐春風裏已覺年來鄙吝除

坐春賦得慈竹慶壽

靈根新長籜龍兒日試斑衣壽母慈一段瀟
湘好風景絕勝仙侶燕瑤池

示六弟宇天

鳳雛風采自超群獨立陽岡戲紫雲天上姮
娥相待久秋高丹桂吐奇芬

次陸全卿韻哭王敬山侍御二首

初聞嚴譴下昭陽准擬清江一筆航桂折蘭
摧嗟已矣羈魂空送白雲鄉

杜心騰騰更逢時猶恨躡躡歷塊遶膂力方
剛

畧遠可憐賈志北山詩

聯句

乙巳除夕前二日寬與同官沂水楊老
溥文卿黃巖王弼存敬華亭侯直公
繩齋宿省中會于河南司之西軒啜
茶論詩久之文卿去公繩謂寬曰今
聯句雖盛行然皆近體之作何不效
韓孟體爲之寬與存敬欣然從之得
數語文卿復至又得數語復去寬與
存敬卒成之公繩在旁監韻至終篇

與諸果麻何謝實志上山請
時山無氣更盡報西別輕與氣寒春六

燭盡漏仍永弼坐深歡有加僕夫候家闈寬

邏卒警虛徯地迴衆喧寂弼天空孤慮遐三

星入戶隙寬獨樹撐簷牙霜靚古垣瓦弼風

搏荒甃砂寥寥立壁影寬晃晃歆眸花止酒

蕭齋禁弼抽思炫詞葩逢除感時邁文卿計

閨知歲差烏兔水流急寬雲龍天路賒閒情

戲文苑弼薄技慚名家簿領亦勞止文卿形

骸非幻耶爐灰撥往事寬秉粟縣生涯未作

飽方朔弼尚憐貧仲車寒聲厭宵析文卿渴

叨思春茶顧景惜不寐寬數年吁可嗟饑喧

櫪下馬弼凍墮林間鴉瞰穴鼠乘暗寬辭巢

蟲啓窪颺枝激虛聽弼塵甕承深遮辟冷蹲

火獸寬颺熏臭不煙蛇輕明洩窓繭弼盤礴褰

帷紗冰缶腹剖拆寬雲甍勢撐义枯莖燥堪

蕤弼遠籟鏗如擣淚落膏怨火寬絲縈蔬簇

芽樗中想熟燬寬逸氣凌浮槎深牖納微溼

寬高城遞清茄夥辨拭還烟弼雅調聽無譁

盈耳切商羽寬傾心比蓬麻交盟絕瑕類弼

道味資英華三益今猶古寬茲言大非誇跡
親禮不飾彌要久惠何奢南郭幸隣並寬西
曹同拜嘉談筵接老箬彌文社託葦葭吟竟
雞戒曉寬起看海明霞牽裳一長嘯彌響出
扶雲斜寬

丙午中秋後一夕王南郭陳西潭過訪
菜市新居聯句二十韻

儼居多隙地陳章宛然三徑風門宇稍幽邃
王彌墻籬豁平通鹿場瓦礫淨寬蟻垤塵埃

蒙瓜棚絡秋蔓章豆薄牽疎藜廠樹納遙翠

彌哇芬委殷紅勢吞雲天闊寬興寄山林同

佳趣愜清賞章旅棲成固窮渾疑浣花宅彌

偶學灌園翁枉駕辱公等寬候門忻僕童展

席出菓茗章揮毫吐霓虹談諧間時事彌盤

礪開情衷時維中秋節寬歲奏西秩功停盃

待明月章隱几聞冥鴻陰氛饒黍散彌皓魄

長朦朧坐久夜寒慄寬歌殘人思融櫪馬想

歸抹章城笳悲戍武寔忘燭屢跋彌主欣尊

不空心期未云負寬交誼思有終懽遊亮可
續章直諒期相攻吾廬雖故甚為君掃蒿蓬
寬

楓江叙別與王存敬聯句二首

一春長望使君船寬相見松陵又別筵世事
感懷惟醉可弼詩篇消日似閒然涓涓野水
新蒲淨寬渺渺晴川碧樹連故國清明應念
我弼赤城迢迓白雲邊寬

急景凋年感別情寬白頭青鬢揔堪驚催船

番恨長橋水弼對榻難留永夜檠京國舊遊

飛夢遠寬江湖餘興短詩成都亭過盡纔分

袂弼腸斷寒天旅鴈聲寬

語水逢馮雪湖聯句二首

樹影波光入畫船馮午陰清合酒杯前西臺

舊雨驚華髮趙南國停雲感別筵閒處有詩

吾事足馮醉來忘世野情偏留君欲挽飛鳥

住趙青眼高歌益惘然馮

蠶時桑柘滿江鄉趙尊酒相看野興長韋布

分甘林下老馮水雲清慰客中忙青簾落日
揮談麈趙撻掖春風侯講堂扶醉不辭歸路
晚馮月明飛蓋下迴塘趙

已酉正月十七日翰林王鏊濟之給事

陳璠王汝兵部徐源仲山刑部秦璫

廷贄陳章一夔沈庠尚倫趙寬栗夫

會于鹿場先生海月菴觀燈聯句二

首

此約畱於菊節前華燈風景入新年章信

知良會真難得庠暫沐休辰未偶然源滿座

清談飛玉屑寬中庭寒月度花甄璠莫教

馬醒醒去鏊須復方橋一醉眠吳寬

蓮炬光搖海月菴寬春宵吟賞似江南鏊九

衢簫鼓人皆樂璠四座觥籌客半酣吳寬夜

禁未能拘逸興璫秋曹常恨阻清談章令嚴

况復催詩急庠謾為當時說遺柑源

會婁元善聯句三首

夜窓深話引長杯婁坐覺塵襟痞滯開海內

交游誰古道寬社中文字獨奇才數篇定入

皇明選婁三體皆從大雅來今日立言公細

事寬看君功業動星台婁

燈花照酒駐春容婁睡思夢贈欲語慵忽聽

隣雞還起舞寬深知文虎特過從疑讎禮訟

馮君解婁契結詩盟賴子逢清賞未終天欲

曙寬坐聽長樂報朝鐘婁

草閣蕭蕭榻滿塵寬燈前話舊語皆新十年

心到今宵盡婁三益交從早歲親醇醪味長

君不厭寬末流風靡子方輦起衰拯溺昌黎

在婁山斗雲端屬望頻寬

白菊聯句陳一夔秦廷贊同作

玲瓏小朵正宜霜章涼夜軒前混月光獻未

論風神同越女寬且將湯餅試何郎章花殘

更覺餘香遠獻人老那知故態狂章地主愛

清仍愛客獻玉枝長願倚餘芳寬

太僕呂先生赴京道出吳江因得追陪

一日之遊聯句識別二首

松陵江漲雨晴時憲滿路荷風弄碧漪玉塵
清談消溽暑寬金尊痛飲慰睽離十年霄漢
追遊遠憲一日旃帷駐泊遲雲物暄妍煙草
細寬酒醒人散不勝思憲

欲附仙舟愧李膺寬相將詩思後川增成聲
已異祥琴日憲浮白還同玉碗冰故舊十年
青眼在寬恩私雙闕寸心曾期君再見秋風
裏憲望望關河碧樹層寬

賞菊聯句王仁甫屠元勳馮佩之陳一

夔秦廷贄王存敬同作二首

尋得東籬菊主人寬主人愛客見情真仁甫
清風可少陶元亮勳芳意休誇竇禹鈞蘭有
地月中還可種章無錢眼底未為貧璣登高
晚興隨秋盡弼莫厭清尊到口頻寬
幾回來作賞花人寬我輩風流意獨真仁甫
自覺酒腸無一斗勳敢教詩力有千鈞蘭鴉
冠潦倒籬邊醉章茅屋蕭條洛下貧璣清夜
為歡能幾度弼惱人何處漏聲頻寬

夜飲王古直陳明之聯句

清夜燈前飲蘇酒古直滿座春風自南牖明

之不須邀月成三人栗夫且聽擊節歌一首

古直城頭譙鼓聲沉沉明之席上篆香煙灑

瀏商飈入樹聞鳥驚栗夫銀漢當簷看雲走

野情蕭散聊盍簪古直世事蒼茫且揮手霜

寒馬嘶吾欲歸明之更攬衣裳持瓦斗栗夫

會馮佩之聯句

疎雨江鄉此再逢蘭草堂依舊聽秋鴻馮唐

漸老風流在寬趙嘏初酣意氣雄兼味出筵

羹紫鱗蘭貧家畱客饌青菘高情自不煩投

轄寬浪跡何須嘆轉蓬湖上晚容雲壓樹蘭

尊前寒影燭當風蕭騷短鬢驚遲暮寬寥亮

清歌動遠空真率未妨高岸幘蘭淹畱無惜

暫停驄向來吳越山川阻寬終古陳雷契誼

同對菊重懷西首會蘭論詩偏喜後山工奚

奴舊篋應千首寬郵吏新題定幾筒老興直

臨三竺外蘭壯心都付一杯中浮雲得喪吾

何有寬閱世行藏道未窮白石臨流盤可釣

蘭蒼松飛鶴魏難籠舞揮長劍星辰動寬吟

倚孤舟渤海通葭菼接天橫露氣蘭菰蒲歌

渚折霜藜分明更鼓譙樓近寬縹緲煙燈寶

塔崇水落虹橋明發遠蘭香凝燕寢夜談終

送君更有宜城釀寬醉拂珊瑚到海東蘭

齋宿聯句除夕前二夕楊文卿任思順

王存敬侯公繩同作三首

捲簾清夜對燈吟楊爆竹無聲刻漏深王門

外風光春透盡趙歲交人事日侵尋任相從

不飲孤佳晤侯一笑忘眠愜素襟王組臆所

餘能幾許好懷當共惜分陰趙

夜半來敲月下門青燈相對欲消魂雲山

悵望三千別寬尊酒忘懷一笑溫星散交游

憐此會彌蓬飛踪跡悟前言綢繆此夕知何

夕寬但醉休嗟鬢雪繁彌

西軒齋集夜寒輕存敬頗覺詩壇樂事成思

順茗碗清浮殘燭影公繩竹風晴遞遠鐘聲

文卿與來却訝尊無酒栗夫坐起還驚月在
城存敬同省幾人同意味思順相看萍水重
含情栗夫

上巳日過信州謁野亭先生畱飲張樂

演琵琶傳奇款曲盡歡既醉得聯句

二首

樺燭高堂夜色深寬一瓢山酌漫傾心詩聯

郢曲承春麗野亭伎演吳歛促漏沈悲歡滿

眼迷真幻寬聚散關情亘古今短鬢相看頻

握手野亭楚雲煙樹思難禁寬

金函玉節照春暉野亭處處風光柳絮飛路

人野亭深駐馬寬情投僧寺漫畱衣鶯綠選

樹辭幽谷野亭人已逃名入紫薇秉燭通宵

意何限寬交心無奈久睽違野亭

詠雨聯句王古直徐栗夫陳一夔王存

敬侯公繩楊君謙同作此諸公携酒

詣君謙寓送行也

高筵啓秋雨王古直頓爾淨餘煇得非洗我塵

徐栗似欲添君酌堦前渠溜走趙栗燈下簷

花落來遲路遂阻陳一坐久衣轉薄暫停得

耳靜王存忽至今心愕蕭蕭佐歸懷楊君潺

潺亂歡詭翻盆入杜詠侯公名亭見蘇作浸

深墻可危王古泛滿庭堪濯徙穴蟻何智徐

夫歸林禽亦樂來如啣枚陣趙栗響失巡更

析諸公競解帶陳一群僕皆赤脚積陰已連

朝王存浮潤先徵昨良賓坐自固揚君好主

不錯決明色猶鮮侯公梧桐意方索滴成

老況愁王古激起思鄉惡吾方利河漲徐栗

我亦思履着試將聽官舍趙栗何如枕山閣

朝街泥想尺陳一漏地衣驚勺忙身夜竊暇

王存病體涼得藥對酒今則同楊君逐事明

又各搜吟思已倦侯公願且更東約王古

詞

蝶戀花 題花鳥圖

香雨新施膏沐了睡思曹贈不管雕闌曉宿
酒漸消紅暈小夢魂何處巫山杳無數間

關枝上鳥報與花神昨夜春多少驚起無言
情悄悄腰肢又被東風惱

滿庭芳

早起納涼

梅雨初收荷風微扇早涼庭院無塵林扉開
處紅日上城闌任我科頭箕踞悠然坐細草
如茵誰相伴此時瀟酒玉塵白綸巾高齋
新卜築遶門流水魚鳥親人愛江湖浪跡軒
冕閒身但苦青雲丹詔相催促未許沉淪休
孤負吳松好景少住待鱸尊

沁園春

秋山訪隱

藜杖敲雲荷花浥露斜抱絲桐問釣臺何處
鹿門無恙心隨流水目送飛鴻宇微微霄林
含餘靄野外秋光自不同行還憇過三义路
口萬里橋東幽人茆屋山中白首淹留桂
樹藜望丹崖青壁萬尋千疊石頭有路一徑
纔通軒冕虛花身心實用何事驅馳任轉蓬
如相見願執鞭爲役沒齒從公

減字木蘭花

姚江阻雨

黑風吹水水拍船頭行復止白雨橫秋秋色
蕭森動客愁 疎鐘何處知在前村黃葉樹
茅屋誰家荒徑無人菊自花

西江月

懷仙仙居山中

洞口胡麻顆顆山中松子離離玉驄嘶倦日
斜時坐倚翠屏丹几 芳樹錦縈玄圃寒泉
碧湛瑤池塵勞未赴羽人期咫尺綵雲千里

西江月

嵇山望雨有懷王伯安

惟底滿城風雨人間明日重陽千巖萬壑競

秋光翠擁嵇山堂上 獨倚胡牀坐久爽然

塵慮都忘河誰呼取賀知章共賞鏡湖新釀

水調歌頭

夜宿縉雲玉虛宮

夜賦懷仙詠曉入洞天遊人間有許奇絕直
是到丹丘行盡青山落日又上碧天明月依
約見瓊樓玉柱九千仞空翠壓雙眸 軒轅
氏六龍馭此淹留靈光萬古長在塵世自悠
悠望入紫雲深處環列霓旌羽蓋泱泱異香
浮乞我飛霞佩流彩照瀛洲

予既次壁間舊韻因過樹下感嘆間忽
枝頭數花映射日曉欣然命酒遂成
小詞癸亥十月二日西店驛書

樹下婆娑久尊前感慨頗好花應識去年人
故向西風特借一枝春 絕艷輝寒日餘香
拂暮雲盈盈綠酒暫相親猶勝荒蹊岑寂委
黃塵

畫堂春

病中偶書

小齋幽僻似林坳春來朱戶長扃簿書叢裏

過浮生塵土沈冥 架上殘編零亂庭前雙
桂青青偶因微病得閒情淨掃風櫺

錦堂春

王月湖雙壽并長生謠

玉樹斑斕戲綵瓊林沆瀣凝春壽鄉深處蓬
萊島高坐兩仙人 明月天邊青鳥清風竹
下綸巾長生樂事三千歲歲菊花新

長生謠

江湖之臯兮雲林翠微秋冬之交兮天宇澄
輝錦堂開兮愛日歛三島兮煙霏壽之鄉兮

春四圍媚光風兮舞斑衣落英兮可餐流霞
兮繳緋魚軒高兮青鳥集綸巾岸兮看雙鶴
之南飛永錫兮難老逍遙兮忘機願庭闈兮
此樂極千齡兮無違

臨江仙 題畫牡丹

憶昔沉香亭上飲東風何限年華清平新調
拂金花玻璃七寶盞含嚙泛流霞 傳到洛
陽春更好園林勝事家家向來姚魏委泥沙
畫圖風韻在千古意無涯

喜遷鶯 有序

郡侯袁君虎榜名流龍舒間氣早司
金部於建業遂剖 玉符於漢川愷
悌慈祥民之父母左右輔翼 國有
股肱二千石之良規河潤九里五六
年之仁澤麥秀兩岐竭來報政於銓
曹已書最上之考他日論功於
陞當褒長者之言遄反星輶車隨甘
雨歡迎竹馬路滿清風佇來黃霸之

徵暫作淮陽之臥欲伸情悃勉致歌

謠

棠陰千畝正畫戟樓雲清香凝晝桑柘陰陰
閭閻藹藹人醉使君醇耐心地冰壺高照姓
字金甌深覆超遷近看循良嘉譽最書新奏
進酒袒席上殘雪初消原野春先透五馬
朝天一麾歸郡人羨文章太守金石平生勲
業風月四時僚友誰可擬似龔黃召杜近來
希有

佳城詞

題錢世恒虞山先隴圖

佳城若堂兮虞山之隈峯巒四面兮拱揖而
盤迴昔人兮經始萃生氣兮九垓壇墠兮木
石歷四世兮封培山益高兮不可以尋丈水
益深以淵洄佳城之佳兮有徵昔韋布兮今
憲臺惟憲臺之孝思兮身京國而心丘隴時
披圖而睨玩兮恍攀栢以徘徊昨陳情兮得
請燁鸞誥兮新裁輝光被于宰木兮亦足以
洩罔極之深哀美哉兮佳城鬱葱兮崔嵬極

千載兮無崩隕流澤布護兮紛昆仍與雲來
蘊隆兮何極自余兮始開下宰木兮亦足

姓圖而與廷兮出擊節以斬厥和刺罰兮

靈臺對靈臺之孝思兮俾京國而必立朝

益氣以照厥封封之封兮有對昔章命兮

本聖四封兮柱封山益高兮不可以委

維國昔人兮豈欲華主康兮以效獻學兮

封姓米堂兮真山之野峯巒四而兮封封而

半江趙先生文集卷之八
泰山米堂圖



